

Bibliotheca VNICA GENTIS *Secr.*
AVRELIAE VALERIAE
SALONITANAE DALMATICAE

Coll. Rom. NOBILITAS. *loci Secr.*

AVTHORE IOANNE TOMCO MARNAVITIO BOSNENSI
Archid. Zagrabienſi, Canonico Zagrabr. Sicensiq;



Ex legato J. M. G. G. G.
ROMÆ, Apud Ludouicum Grignanum. MDCXXVIII.

SVPERIORVM PERMISSV.

AVRILIAN VALLEY
SALONITAN E DALMANICAN

THE AVRILIAN VALLEY
SALONITAN E DALMANICAN



THE AVRILIAN VALLEY
SALONITAN E DALMANICAN

IVLIO TIT. S. SVSANNÆ
CARD. SACCHETTO

Legato Apostolico Ferrariæ.

Ioannes Tomcus Marnanitijs, &c. F. sempiternam.



ATHENIS superiore S. D. N.
VRBANO VIII. Vale-
riæ gentis nobilitatem ab
ipsis religionis nostrę incu-
nabulis, ad hanc ætatem, in
Orbe Christiano vnicam,
immagine expressam, velut in Cythara de-
cem chordarum, decem ex eadem familia,
suam cælo terræq; sonantes exprimentesq;
sanctitatem, martyrio omnes fermè illu-
stres Heroes, obtuli; cum eiusmodi Cy-
thara nemini melius meo quadraret iudi-
cio, quam Pontifici, cuius tabernacula
virtutum eiusdem numeri prorsus, quo
Valerij, raro diuinæ gloriæ exemplo,
Cythara resonare sentiuntur. at cum idem
sanctissimus Urbanus, in urbanum puta-
ret, sanctorum lumina tam illustria, vni si-
bi lucere, vt qui purpuratos non habet, nec
declarat illustriores, quàm Martyres, iam



tum hos eosdem per historiolum, à me descriptam, in publicum gentium omnium Theatrum dari precepit. Hinc ne te in nobilissima Imperij Ecclesiastici prouincia, auctoritatem Urbani tuente, penitus inscio, intra penates Valerios, tuæ curæ Senator amplissimæ creditos, pedem videar intulisse, eandem historiolum offerendam, dicendamq; necessario duxi tibi. quem non minus sacrarum ædium præfulatū, quam virtutum suarum incremento præclarum, quadrigaq; nobilissimorum germanorum fortunatum; fortunatissima quadriga Valeriorum germanorum iure merito suum agnoscit. Offero itaq; & mea peculiari in te, tuosq; fratres, de me perpetuo optime meritos obseruātia, & obsequio meæ gentis Illyricæ; quæ sua fatali felicitate, vt in Valerijs sacris penatibus te sacrum Senatorem, ita inter Ecclesiæ suæ sanctissimos Pastores, à sexcentis ferme annis Andream familiæ tuæ sydus immortale, Varadiensem veneratur Episcopum. Romæ. Decimo die Kal. April. triumpho immortalis Caij Pontificis illustri. MDCCXVIII.

AD

AD ANDREAM SACCHETTVM

Ab hinc quingentos annos
VARADIENSEM EPISCOPVM
De quinque Fratribus Sacchettis
Author.



*Præful Dacicus quem ditionibus,
Immanis posito Sarmata Acinace;
Atque Arcu Gethico, Danubij accola,*

*Tibisq; vadis Iaziga proximus,
Doctorem coluit, legis & aureæ
Patrem, qui nitida splendor Hetruria
Immortale decus florigeni soli
Fulges. quem Pario marmore nobilem,
Bis terni spatij, Ungarus & Dacus,
Sæcli, cum populis Illyridis, pia,
Supplex Gangeticis donat odoribus;
Huc vertas oculos sedibus aureis,
Præclaris fruere hic posteritatibus,
Vt post te videas passibus amulis,
Prolem florigenam scandere sydera.*

Marcel- *Illum respicias arua per Icala,*
lum. *Alpinusq; iugis saxa per ardua*
Cursantem, Rhodano regnaq; proxima,



Vel

*Vel qua fons Sequana Lilia perluit,
 Dives Oceanum vel Ligeris petit.
 Per salfos laticez indè Britanniam
 Lustrantem penitus, ne quid in Anglica
 Clausum deliteat forte recessibus.
 Hinc gressus iterum Belgica ad aquora
 Vertentem, Batauu Marte superbiens
 Qua Rheni retinet stagna bicornia,
 Ultra quin etiam rura Menappia
 Visentem, Treuiros, siuè Moguntios,
 Et qua Danubius profluat Abnoba,
 Et qua Danubio conditur Oenius.
 Vel qua Theutonicum litus ad ultimum
 Albis se exonerat limite Suenico,
 Aut feruet Viadrus, Vistula, Vandali,
 Germanam patriam qua regit Austria,
 Vel Burgundiacos frenat Iberia,
 Diuersis genijs, moribus, verbis,
 Quae visis, Latia denique Regia
 Augustis vigeat conditionibus,
 Summis proficiuus, gratus ut infimis
 Ostendatq; pia progenie tua,
 Tot Reges fieri, quos genitos dari.*

Mat- Cernas aut alium sedula peçtora
 thqum. Versantem, maneat cui nihil abditum
*Viuaci ingenio, siuè recentior
 Aetas quid docuit, siuè vetustior
 Virtus transposuit posterioribus.
 Non illum pelago terret Iberia,
 Alpiniq; suis Gallia rupibus,*

Doctis

*Doctis afflueres quo minus artibus ,
 Et vera caperet munera glorie ,
 Fratrum delictum , Romulidum decus .*
 Alexan- Tum Martis studijs fortibus alterum
 drum. *Flagrantem , videas ire per exteras
 Gentes ; nec gelidis aut aquilonibus ,
 Altis vel niuibz astra petentibus ,
 Non rimis rubeo sanguine turgidis ,
 Stratorum aut tumulis artibus horridis ,
 Non vasti pelagi vortice naufrago ,
 Largi vel fluij tramite ab inuio ,
 Horrores pauidum linquere Martios .
 Sensit Danubius brachia fortia
 Lustrorum spatij , pectora Martia
 Rhenus percussit ; sensit & incola
 Saltus Hercinij , sensit & horrido
 Arctoo impavidus sydere Cimbrius .
 Neptuno fluido Rugius abditus ,
 Gutho Vandalica sorte ferociens ,
 Et Saxo extraneis impenetrabilis
 Telis , Ausonij sed penetrabilis ;
 Descenditq ; potens saltibus , artibus ,
 Oppressor Dacia ; dum iuuenem tuum
 Andreas recreas numine proximo .*

Io. *Quadrigam solida laudis adauget is*
 Francisc. *Distractum assidue quem grauioribus
 Regnantum Imperijs , nulla beat quies .
 Is raro patrjz qui penetrabilibus
 Germana fruitur nobile copia ;
 Is quem barbarico limite Rhetico ,*

Quem

Quem pridem Liguum montibus, arbitrum
Bellorum, tenuit cum reuerentia
Supremi Solij, cum decus Italia
Liberatis: amor verus Hetruria,
Andreasq; tue delicia domus.
Et qui nunc solita sollicitudine
Bellona strepitu dum genus Italum
Commotum quatitur, turbine ab extero;
Regnantum Domini munia suscipiens,
Pacis conciliat fœdera perpetis.

Iulium. Vel hunc quem Pietas Sydere sinu
Exceptum tenuit matris ab ubere,
Ornauitq; eadem pectore candido,
Chi dotes animi donaq; corporis
Fœnix Dina eadem, Sydere dextero,
Gratus Principibus, celsus honoribus,
Sic carus populis, quisquis Iulium,
Vt primum videat, dicat is illicet:
Vel membris Pietas fulget Iulij,
Vel dicat: Pietas est Dea Iulius.
Hic quod Romulei patris in omnibus
Rarus conspicitur nutibus, aëribus,
Hic quod Sydonio murice cingitur,
Quod gentes placidè temperet Italas,
Tranquilla moderans iura modestia,
Astræamq; trahens denuo ab athere,
Profundensq; sua perdat inopiam,
Sacchetti genium perpetuo exprimens
Est virtutis opus, sanguinis inclyti,
Commune & reliquis fratribus optimis,

Qua-

Quadriga, Pietas quam sibi construit.

At sacris Læribus forte Valerijs

Quod sacro pariter nomine praesidet,

Est fors aetheri est illius omnis

Quod pridem Illyricis te filijs tulis,

Andream Dacia constituens patrem.

Hec illum Illyrio praposuit lari

Sacro, Dalmatica perpete gloria,

Ornat tu Delui Illyricam plagam

Diuis Imperijs, diuus & insulis

Ornat sic pariter sacra Valeria

Aurata Illyrio nomine & omine,

Auratis titulis moribus aureis,

Diuis Imperijs, diuus ut insulis.

Hinc quem praesidium cuncta Valeria

Noscunt, nobilia hunc gesta Valeria

Posthac praesidium dulce decus suum

Noscant: aetheris annue sedibus,

Flora flos niueum flos Dacia vnicum,

Nunquam flos generis deciduum eni.



VNICA GENTIS
AVRELIAE VALERIAE
SALONITANAE DALMATICAЕ
NOBILITAS.

AD IO. TOMCVM MARNAVITIVM

O D E

FRANCISCI SACCI RHEGYNI.

Strophe I.



*VA Liburnorum iuga, qua Timaeum
Spectas, mari dum bella tauriformis
Sapè undosa mouens arietat, & ferox
Tergeminas hinc minatus
Sorbet hiatu:*

*Felix Illyris huc age,
Dignam triumpho summe superbiam,
Indue mox flexura iugales
Aurigantes in freno manus,
Veteresq; linque laudes
Fas tu repubescens nouo,
Recocta, at absque Colchicis venenis,
Seculisq; onusta mille, hic verè sacro cinge tempora.*

Antistrophe I.

*Huc & æternos meditata plausus
Thura adde, sed succisa non Sabais
Siluis, rorisfrei thura sed ætheris
Flammiuomi mage colliquanda
Pectoris igne:
Cultrix obsequiosior
Gentis triumphos cerne VALERIAE
Pectora sed voto icta fidei;
Nam sacra cernis gaudia gentis:
Polus unde per triumphos
Nono beatur lumine,
Nonoq; rursus omine Imperantum
Perq; fastus, perq; plausus dat choreas mille syderum.*

Epodon I.

*Bellorum exunias tulit
Sat Romana tue dextra propaginis,
Nomenq; magni compar trophæi,
Extulitq; signa victrix,
Cum rebellis Ingeni
Calcanit hostes, bella de bellis serens.
At hinc abeste iniqua bella. Numinis
CAIVS, minister en adest, Pacis ut omen alas
Vitamam ille operatur ad aram:
Ingere nunc thura ut vigilent altaria flammis.*

Strophe II.

Arbiter belli piger obsoleta
Nunc arma Mauoris exuat, sacraque
Legis iura fluant, & Fidei comes
Religio legat otiosis
Lilia campis.
Aras indè opulentior
Centum nitentes ditet odoreis,
Ut modo Ceti interpret' amicti
CAIVS per flores petat aras,
Mage victor ut triumphet
Currus sit ara celsior,
Cruore Crux amicta sit trophaum,
Sint flagella dura fasces, nobilisq; Christus Hostia.

Antistrophe II.

Ille stipatus iuuenum torana,
Queis per seuera tela Barbarorum
Gens hac alta Polo iam caput induit,
Tergemino redimitus aura
Plaudat ad aras.
Sed cur? non imitabilis
Mutescit ergo gloria plausibus?
Victoris sat cerno triumphum,
Sed nulla sonos exprimit aura,
Tuba nulla temperatq;
Edet sonora spiritus?
Cavora reddat ergo penus plausus,
Munus hoc tui laboris, plande tu Icannes obsequens.

Epo-

... Epodon II. 1.

An quid iuuat imprimi?
Gentis sydereæ Dalmaticum genus,
Cui Regna frontem, cui ferta dextram
Impedire gloriantur?
Muta si umbra postmodum
Sine corde nomen hostis, atq; hinc gloria
Superba prole Principum silet sua.
Non ista Tomce gloria est, maius at urget opus,
Scribe, tuoque perennius ære
Exige, & aeterni monumentum inscribe triumpho.

Strophe III.

Non lutum solers aliter Prometheus
Artus secutus artubus refinxit,
At mox triste ruens immemorabilis
Constiterat sine mente moles:
Ille sed ignes
Emensus vaga sydera
Subducit audax æthera domo,
Et flammis simulacra beatæ,
Animat muta, ac suscitât inæra
Animata corda mentem.
Quidni æra vitam morte trahant?
Face at sonantis eloqui: laborem
Aemulare sic Promethei, æri auspicare Tomce spiritum.

Antistrophe III.

*Nempè, quæ muto tibi vulnerando
Aera hic figurat artifex labore
Ta docto melius lumine vocibus
Dulciloquis animabis æra.
Quid simulacra
VRBANO dare? quid iuvant
Hac muta doctum munera Principem?
Hic facundæ munera lingue
Amat, & viuax quæ labor animat:
Nova nam reposcit ætas
Opus erudita viuulum,
Petitq; Roma comparem Triumphum,
Eloquentia Gemella, nobilisq; vindex otij.*

Epodon III.

*Cernis? namq; operosior
Mellis syderei nunc APIS obstetrix
Rorata calo iam dona fundit,
Deq; rore, deq; flore
Iam laboris auream
Instillat ori dulce mercedem tuo.
Honoribus vocata nam VALERIIS
Dives beatis floribus iam sua mella liquat,
Ingenijq; aluearia complet,
Vt cibus Heroum duram tibi recreet artem.*

VALENTINI PASCHALII
VTINENSIS
ad Eundem.

IRVIS in lucem patria monumenta, malignis,
E tenebris, per te sidera clara micant.
Inchyta gens per te sic Tomce Valeria gestis,
Sic tua sic credas Illyris est hilaris.

ANTONIVS RANTIVS
IADRENSIS
E Societate IESV
ad Eundem.

DISCE nouum pugne genus, ut qui vincitur hostis
Vincat, & occidens occidat, actus agat.
Quos dedit in cryptas, & in abdita limina terra
Roma vetus, tulit hos in iuga, Roma recens.
Martyr ut occubuit, gens aurea sanguine surgit,
Vietaq; sub pedibus gens inimica fremit.
Scilicet est fidei vis tanta, quod ardua regum
Vi procul, atque armis colla subacta premit.
Dum furit horrendum Iouius per ouilia Christi
Seuit & in propriam seua Leana domum.
Ecce Ducem gregis hinc Caium, cognataq; celi
Germina, cognatum sub pede habere Iouem.
Illyrica his tantis se tellus iactat alumnis,
Magnanimorum Heroum Illyris usque parens.
Qua tu dum tenebris in luminis elicis oras,
Illyrica patria Diua trophaea locas.

NICO.

Antistrophe III.

Nempè, quæ muto tibi vulnerando
Aera hic figurat artifex labore
Tâ docto melius lumine vocibus
Dulciloquis animabis æra.
Quid simulacra
VRBANO dare? quid iuvant
Hæc muta doctum munera Principem?
Hic facundæ munera lingue
Amat, & viuax quæ labor animat:
Nova nam reposcit ætas
Opus erudita viuulum,
Petitq; Roma comparem Triumphum,
Eloquentia Gemella, nobilisq; vindex otij.

Epodon III.

Cernis? namq; operosior
Mellis syderei nunc APIS obstetrix
Rorata celo iam dona fundit,
Deq; rore, deq; flore
Iam laboris auream
Instillat ori dulce mercedem tuo.
Honoribus vocata nam VALERIIS
Dines beatis floribus iam sua mella liquat,
Ingenijq; aluearia complet,
Vt cibus Heroum duram tibi recreet artem.

VALENTINI PASCHALII

V T I N E N S I S

ad Eundem.

TRIVIS in lucem patria monumenta, malignis,
E tenebris, per te sydera clara micant.
Inclita gens per te sic Tomce Valeria gestis,
Sic tua sic credas Illyrii est hilaris.

ANTONIVS RANTIVS

IADRENSIS

E Societate IESV

ad Eundem.


DISCE novum pugnae genus, ut qui vincitur hostis
Vincat, & occidens occidat, actus agat.
Quos dedit in cryptas, & in abdita limina terra
Roma vetus, tulit hos in iuga, Roma recens.
Martyr ut occubuit, gens aurea sanguine surgit,
Victaq; sub pedibus gens inimica fremit.
Scilicet est fidei vis tanta, quod ardua regum
Vi procul, atque armis colla subacta premit.
Dum furit horrendum Iovius per ouilia Christi
Sevit & in propriam seua Leana domum.
Ecce Ducem gregis hinc Caium, cognataq; celi
Germina, cognatum sub pede habere Iovem.
Illyrica his tantis se tellus iactat alumnis,
Magnanimorum Heroum Illyris usque parens.
Qua tu dum tenebris in luminis elicis oras,
Illyrica patriae Diva trophaea locas.

NICO.

NICOLAI CALISSIENSIS

MONACHI S. BASILII

Illustrissimi, & Reuerendissimi
Metropolitæ Ruthenorum vnitorum,
Romæ Procuratoris
ad Eundem.

 *LORIA Sampsonis longum celebratur in æuum,
Dulcia quod Strato mella Leone tulit.
Dignus ac multo nunquam tua fama senescet;
Magno Marnau nate bono patria.
Strata lenas atenim Heroum dum gesta tuorum
Grata polorq; solo, mella sacrata refers.*



VNICA

UNICA GENTIS
AVRELIAE VALERIAE
 SALONITANAE DALMATICAЕ
 NOBILITAS.

AVTHORE IOANNE TOMCO MARNAVITO EDITA.



MULTA sunt, quæ generis Illyrici præstantem in armis, & toga virtutem omni auro commendant, sed nihil mihi videtur admirabilius, augustissima gente Valeria; quippè quæ non in luce modò atque oculis hominum, magna Romano quondam florens Imperio, generis humani principatum in terris obtinuit; sed plurima etiam apud Deum auctoritate pollens, & gratia, quæ Vaticanæ maiestatis insignibus infulata; quæ purpurata martyrij laureis, quæ Virginitatis aureolis candidata, herpocos honores Christianæ virtutis apud mortales adepta, pulcherrimè stetit in Concilio Immortalium:

Quod enim ab ipsis Ecclesiæ nascentis incunabulis nulli hætenus familiæ contigisse legimus, vna in domo, vno, eodemq; tempore (præter Diocletianum Imperatorem, mox & Imperij inaudito exemplo contemptorem; licet à Christiana pietate alienum) Serena Diocletiani vxor Augusta Christianæ virtutis Heroïna sanctissima, eiusq; filia Arthemïa in summa tenacitate pudoris, & avaritia gloriæ, prodiga sanguinis, tum fratres

Imperatoris quatuor, Claudius & Maximus, militiæ terrenæ cælestisq; Duces egregij, Gabinius Principis Ecclesiæ Presbyter, & Scriptor caudatissimus post natam ipsi Susannam, quæ sanguine in causâ virginitatis effuso, Augustalis thalami faeces extrinxit; Denique Cæsar Vaticanæ Sacerdotij Princeps, rerum humanarum, ac diuinarum arbiter, floruerunt. Accessit & Præpedigna Claudij coniux, filijq; eius Alexander, & Cuthra, qui vita pro Christo defuncti, ipso iuuenili flore, de morte gloriosissimè triumpharunt. In hanc ego domum diuinitatis oculos intendo, videre mihi videor cæleste quoddam signum multis syderibus insignitum, siue potius Galaxiam ipsam, non exiguis illis, sed primariæ magnitudinis stellis fulgentem. Quod etiam mihi gratulor, in causa esse; vt Christianam familiæ huius nobilitatem litteris mandaturus, tenuitatem in dicendo meam, præstantia argumenti compensem, neque indignum luminibus Oratorijs, vt mortalem lucem inferam in clarissimos soles. Vnum igitur id curabo posthac, vt antelata eloquentiæ, pietate, in tanta obliuione temporum, summa fide, ex antiquissimis historiæ monumentis, etiam veritatem.

Gens Valeria inter Dalmatas, antiquissimis præstat imaginibus, in ea namq; antè Diocletianum, Aurelium Valerium Probû Dalmatio sanguine, teste Sexto Aureliô Victore, Sirmij progenitum, Romanorum Principum fortissimum, Romanis æquè ac externis maximis quibusq; Ducibus, non conferendum solum, sed Flauij Vopisci testimonio, præferendum, terrarum Orbis, incredibilis celeritatis victorijs Tyrannorum grauissimo iugo

subtra-

NOBILITAS.

Subtractus, priscæq; libertati, ac splendori restitutus, perpetuò admiratur. Fluxam illius gloriam immortalitatis incremento longè adauxit inuictissimus Christi Athleta Hadrianus eius filius, quippè qui Romana sceptrâ Christianæ humilitati ducens inferiora; studio illius maluit proprii cruoris paludamento, quam paternis insigniri purpureis ornâmentis; eius triûphalis dies, septimo Kalendarû Septembris Ecclesiasticis tabulis, habetur insignis, dignitas nulli Augustali familiæ; ad hanc vsque diem familiaris, cui si Nicephori testimonio, in Chronico Domitium, seu Dometium Probi fratrem, huiusq; filium, ac paternarû virtutum hæredè Probum; & Metrophanem sanctissimos Byzantinæ sedis Pastores subindè suffectos addiderimus, Quâdrigam Aminadab palma perennitatis eximiam, in Valeria indole facillè erit agnoscere; verùm enim verò cum certa minùs habeatur affinitas, qua Probi Principis domus, cum Caij Diocletiani; familia iungeretur, illa prætermissa, huiusce feriem euoluemus.

Vt itaq; Marcus Marulus vir Salonitanæ stirpis, antè centum annos, pietate æquè ac eruditione præstantissimus, ex notis sepulchralium epygrammatum; inter Urbis Salonitanæ rudera extantium, ab eomet excerptum refert; Auius Caij Pontificis, Diocletiani; Principis, fuit Caius Aurelius Valerius: cuius epygramma sequentibus se notis excepisse ex ipsa posthuma marmorea nota testatur.

C. AVRELIO VALERIO SALONITANO

VALERIVS. ET CAIVS

PATRI OPT. PP:

Caio Aurelio Valerio, itaq; fuerunt filij Valerius & Caius; ille Valerium Aurelium Dioclem, qui ad Imperium assumptus Diocletianus inde dictus est. Romanum Principem, posterior Caium, Gabinium, Claudium, Maximumq; progeniit. quicquid habeant, quidam ex antiquioribus Scriptoribus, vel Valeriz domui fortasse minus æqui, vel huius generis minus periti. gravissimo enim Maruli testimonio, nobilissimæ antiquitati innixo, accedit autoritas Anastasij, Bibliothecarij, Luiprandi Ticinen, Albonis Floriacen. & aliorum, qui Caij Pontificis patrem Caium agnoscunt, sicuti & Diocletiani Valerium. Eos Romam³ Salonis migrasse, verosimile est, imperante Claudio, qui primus ex Dalmatis rem Romanam administravit, ibiq; Diocletianum, prout ea tempora virtute Illyricanorum Ducum, milicumq; sub Romanis Aquilis memoranda poscebant, militaribus studijs, sicuti & Claudium & Maximum patrueles, Caium verò ac Gabinium, vnius Christi Domini stipendia suscepisse. Valerios Romæ liberaliter vitam duxisse, argumento sunt domus satis amplæ, tum Caij, tum fratris, eius Gabinij, in sexta regione, apud Vicum Mamurij, vel Manurij ante Salustij forum sitæ; prope in actis S. Susannæ habetur. quibus quamvis in Ecclesias ab eodem Caio Pontifice conuersis, Christianoq; ritu consecratis, Diocletianus tamen, vel potius, qui eius nomine Collega Maximianus amplissimas terrarum Orbis Thermas occupatis omnibus circumquaq; tam publicis, quam privatis ædibus, extruxit, Christiano nomini aliqui, satis infensus, ad illas usque insanis extrusionibus deductis, ita perpercit, ut publico ædificio non tantum incluse, nobilissimi

tituli,

tituli, & stationis Ecclesiasticæ; Ad duas domos, nomen multis sæculis tenuerint; ut ex antiquis Urbanis Ecclesiasticis tabulis est videre: hinc etiam coniectio Diocletiani priuatas ædes eodem loci extitisse, cuius nominis ad consequentes ætates illustrandi gratia, de eo optimè meritus Maximianus (haud absimile verò est) in admirandum Thermen aũ opus cum æternitate inter mortales certaturũ, maxima parte Viminalis collis occupata, eisdem commutauit, ut vbi Diocletiani priuati hominis steterent penetralia, Principis Thermae viserentur appellarenturque. accedit huic coniecturae probabilitas, quæ ut exactis S. Marcelli Pape habemus, idem Diocletianus Cyriaco Diacono ob Arthemiam filiam malo Demone liberatam, ut videbimus, propè easdem Thermas constitutam domum donauit. Incidit Imperium Claudij in annum Virginei partus, ex supputatione Baroniana, sexagesimum nonum supra ducentesium. quæ tempestate, ut ex actis S. Laurentij facile intelligitur, status rerum Christianarum, longa pace inualuerat, præsidente Romano throno Dionysio, viro virtutis Apostolicæ, egregiam operam publicæ rei Christianæ, nauante Iustino Presbytero. Quod si Caius per hæc tempora, Romanum cum Gabinio fratre se contulit, procudatio potuit interesse spectator agonis fortissimi, illustrissime Christi Martyris Cyrillæ filiz Decij Imperatoris, quæ immortalis gloria gentis Illyricæ, & primitiæ generis Augustalis, multo feliciori sine pro Christi sempiterno regno, quam Decius pater, cum Decio filio, pro caduco Romano Imperio, se deuouit, cuius admiranda virtute, Caium cum fratre, vel maiores animos in fidei constantia sumpsisse credibile est, si tamen mili-

tia Christi nomen iam dederant, cum incertum sit, quo tempore & quo loci Christum induerint, vel forte eiusmodi exemplo voluisse adscribi, eosq; disciplina Dionysij Pontificis, Iustiniq; industria in primis profecisse. Dionysio post ferè duodecimū Sacerdotij sanguine fuso, depositi annum, sufficitur Felix nomine non minùs quam re, huius enim primi ex Romanis Pontificibus primatum, & in Orbe Christiano summam auctoritatem, Imperatores ethnici licet, Romano scripto agnouerūt. Aurelianus etenim, qui post Claudium, & Quintillum fratres Dalmatas, Romanis sceptris est admotus, Illyrici generis itidem, Princeps ab omnibus iusti tenacissimus laudatus, cum Paulus Episcopus Antiochenus ob hæresim depositus, domum Ecclesiæ adeptam restituere renueret, re ad Imperatorem delata, Eusebio teste, ei adiudicari censuit Imperator, cui Christiani Italia, & Urbis Romæ Episcopi tribuendam præstiterent: Triennio in Pontificatu exacto, Felix Eutychiano locū, sacro suo cruore nobilem reliquit. quo Præsule Aurelianus post Tacitum & Florianum fratres nec annuos Principes, Probum Valeriæ gentis sydus eximium, septuagesimo nono secūdi Christiani sæculi annis successorē accepit. eius fratrem Domitiū Domitijq; filios Probū, ac Metrophanem, cum agnatis suis Caio Gabinioq; emulatione Christianæ pietatis certasse, non est absurdum credere, & sub Imperio probatissimæ Principis, ad cuius perfectam probitatem, æternitatis lauacrum tantummodò defuisse extra dubium est, quo fulgore illi Orientalem plagam, ij Occidentalem, & omnes vna vsuersum terrarum Orbem essent paulò post illustraturi, seriò agi-

tasse,

tasse, virtus eorum eximia credere persuadet. Sublato Probo & succedente Caro Narbonensi Dalmata, undecimo Illyricani generis Principe, nec multo post Eurychiano predecessorum vestigijs appetente cælum, Apostolici solij maiestas, Caiuni excepit, instauratæ felicitatis anno octuagesimo quarto supra ducentesimo. Dalmatici Principis Imperium summo Dalmatici viri Sacerdotio à Deo illustratum fuisse, ex eo Senior pietas existimat, quòd æquitati non minus quàm pietati carissimus Principes quibus potuit Christianos beneficijs est prosequutus, exeat inter cætera beneficentix eius erga eosdem argumenta, singulare illud, quòd Thessalonicensi Ecclesiæ huiusmodi indulsit rescripto.

IMP. CARVS PRÆSIDORO PRÆF. PRÆT.

Sacrofancta Thessalonicensis Ecclesia apertè sciat, propriæ tantummodo capitationis modum, beneficio nostri numinis subleuandum, nec extraneorum grauamine tributorum, rem publicam Ecclesiastici nominis abusione ledendam. ita ille: quem longiori vita dignum commodo Reipublicæ Christianæ, non integer annus Regem agnouit. quo dum Persas debellat è viujs abeunte, Numerianus filius, præstantissimus suorum temporum Orator & Poëta, vt aurea illi statua à Senatu dicata apud Vopiscum testatur, Regni initijs vix gustatis, Apri loceri perfidia extinguitur; succedentibus Carino fratre, quem Galliarum moderatorem, Persas petens pater reliquerat, hæreditario iure, prouincialiumq; fauore arripente Imperium; & Valerio Diocletiano Numerianę

necis

necis ultore, ab Exercitū Imperatore acclamato; Senatu
 mox approbante; vt quod nulla temporū varietas vn-
 quam vidit, terrarū Orbis sacra politicaq; maiesta-
 tem, vnus anni spatio, intra eiusdem gentis familiam;
 coiuiffe sit admiratus. & sanē præclarē cum re Christia-
 na actum fuisset, summum sacrorum Præsidem Augusti
 patrualem fortiri, nisi beneficentissima Cari memo-
 ria Christianos ad partem Carini amplectendas impulsi-
 set. hoc enim in causa fuit; vt Diocletianus alioquin, &
 magni animi, & æquitatis amantissimus Princeps con-
 tra eiusdem religionis professores; & tanquam contra
 gentem legibus Romanis ab eius exordio proscrip-
 tam, & ab optimo quoq; Romanorum Principū miris cladibus
 exagitata, quod etiā pessimo Tyrannorum adherentes
 sibi legitimo Principi arma intulissent; aliquando exar-
 serit; vt perspicuum esse potest ex actis S. Sebastiani, qui-
 bus constat Carinū multos habuisse in amicitia quos
 confessionis Christianæ titulus decorabat: perniciosum
 sæpè generis humani infortunium; suspitione diffiden-
 tiæ Regum iras excitasse; quos enim semel huiusmodi
 procella, vel leuiter afflauerit, nullā temporū diuturni-
 tate, nullo officiorum obsequio ferociōres dominantum
 animos mitigare, irreparabili innocentia dampno, iugis
 atatum omnium docet experientia. Namq; Diocletia-
 nus vbi post multa prælia cum Carino commissa, ad
 Murgum deniq;annonia ipso Illyrici meditatio eun-
 dem profligatum extinxit, & si propositis edictis, & lege
 lata, maiorum exemplo in Christianos insurrexit nequa-
 quam, quominus tamen gentilium Sacerdotum infecta-
 tione Christiani non vexarentur, minimè inhibuit, sed

ijdem

ijdem furentibus aliquando etiam annuit, aures nimium credulas eorum delationibus accommodando, vt idem Sebastianus dum ad martyrij palmam properaret prætereunti Principi obiecit. etenim ~~omni~~ toto eo tempore quo bellum inter Principes triennale fermè perdurauit, fideles summa tranquillitate Cari benignitate aucta sunt potiti; Caio rem summo conatu promouente, viro magnæ prudentiæ pietatisq; eximie. vt acta nuper laudata testantur. vt non mirari nequeam eos, qui Numeriano cladem martyribus sæcundissimam adscribere sunt ausi.

Post Murgensem itaq; victoriam Diocletianus æmulo sublato, anno Imperij tertio, Christiani secundi sæculi sexto suprâ octuagesimum, Maximianum Marcum Valeriũ prænominatum, quem author Panegyrici eidem Maximino dicti, sicuti & aliquorum martyrum acta, fratrem appellant, adoptione consortioq; Regni magis, quam affinitate sâguinis, tertiumdecimum ex Illyricis, in partem Imperij adsciuir, hostibusq; Christiani nominis conniuen-do, multa sæuius in Christianos actitata, vel Reipublicæ quassatæ in priorem statum restituendæ intentus ignorauit, vel à Christianis Carino addictis offensus dissimulauit omninò. quæ sæuities ipsam religionis arcem Romanam Ecclesiam in primis inuasit, vbi Gentilium immanitas eo improbitatis processit, vt ad auertendos vitæ necessitate fideles à pietate, nemini quicquam, vel vendere, vel emere liceret, nisi priùs prostantibus in foro rerum venalium Deorum statuis, emptores thura incendissent; ad insulas quoque, vicos, & aquas, complures assistebant satellites, qui neque moliendi neque aquas hau-

riendi alicui facultatem permittebant, qui prius Idolis non libasset. hisce calamitatibus adactus Caius Pontifex, consilio suorum adhibito, cum inevitabilis mali periculum evidentissimum esse cognosceret, in eam venit sententiam, ut acta S. Sebastiani habent quorum verbis quantum licuerit, ut plurimum vsuri sumus, nimirum ut Chromatius, qui Prætoris illustrissimo clarus officio, nuper Christo se adiunxerat, omnes illos qui recenter religioni sese addixerant, ne nouellæ plantæ ob vitæ necessaria, mortis æternæ subirent pericula, tanquam imbecilliores eius victu alendos in propriam domum reciperet, verum enim verò cum summi in Vrbe viri ad Christianos accessio difficulter celari posse videretur, Caij consilio obtinuit ille à Principibus facultatem scripto expressam sacri rescripti nomine, cum aliter Urbano Prætori minimè abesse liceret ab Vrbe, ad littora Campaniæ in quibus amplissima prædia possidebat, secedendi medelæ gratia, quo Christianos omnes euitandi periculi causa, qui vellent secum abduxit. ex quibus cum inter præstantissimos tunc temporis, Policarpum nempe, & Sebastianum exoriretur contentio, quisnam Chromatiani secessus, & fidelium cum illo in Campaniam abeuntium comes esset iturus, vel in Vrbe penès Pontificem martyrij assequendi cupidine remansurus, palmam æternitatis utroq; ambiente, dirimitur pia contentio auctoritate Caij ita illos alloquentis: Dum ambo passionis coronam expetitis, populum Domini solatio destitutis, vndè mihi videtur, ut tu Policarpe, ut Sacerdotij rectum tramitem tenes, & scientiæ Dei repletus es donis profisciscaris simul ad confortandas recentes credentium mentes, & animos

dubios confirmandos. quibus auditis promptissimum. se ad imperata exequenda pius Sacerdos exhibuit. vt verò dies Dominicus affuit Caius domum Chromatij adiit, ibiq; pro tempestatis illius consuetudine, publicis nimirum nondum Ecclesijs exedificatis, oblato incruento sacrificio, Christianis adstantibus, eiusmodi sermonem habuit: Dominus noster Iesus Christus præscius fragilitatis humanæ duos credentium in se gradus constituit, confessionis scilicet, & sanguinis pro fide effusionis, quæ martyrium appellatur, vt qui martyrij pondus se non posse ferre videretur, confessionis gratiam teneat, & concedentes laudem bellaturis Christi militibus, & pro eius nomine pugnaturis, illorum sollicitè curam gerant. pergant itaq; qui volunt vnà cum filiis nostris Chromatio & Tiburrus, & mecum in hac Vrbe qui voluerint remaneant, non enim nos terrarum spatia diuidunt, quos Christi gratia nectit, neque absentiam vestram sentiunt oculi nostri, quia interioris hominis vos inuenimus aspectu. hæc & similia dicente Cajo Pontifice, exclamauit Tiburtius (filius hic erat Chromatij) nuper cum patre factus Christianus) voce magna dicens: Obsecro te Pater, & Episcoporum Episcopo, ne me patiaris terga persequentibus dare, mihi enim valde inuendum est & optabile, pro Deo verò, milles si possim occidi, tantum vt illius vitæ dignitatem apprehendam quam nullus mihi successior eripiat, & cui nulla tempora finem imponant. tunc Sanctus Caius congaudens fidei eius, lachrymas fundebat, orabatq; vt omnes, qui cum eo remansissent certaminis victores redirent, triumphum martyrij assequuturi. remanserunt itaq; cum Cajo Pontifice Marcellinus &

A. VALERIA

Marcus, & pater eorum vir Clarissimus Tranquillinus, itemq; Beatus Sebastianus, & iuuenis corpore pulcherrimus, sed pulchrior mente Sanctus Tiburtius, tum quoq; Nicostrarus, à publicarum tabularum custòdia Protoscri-narius appellatus, cum fratre suo Castorio, & coniuge Zoe, & Claudius etiam cum fratre suo Victorino, & filio Symphoriano, qui fuerat ab hydropisis morbo liberatus. hi soli reliquis omnibus cum Chromatio proficiscētibus, in Vrbe cum Caio Pontifice remanserunt, qui Marcum, & Marcellinum Diaconij honore sanctificauit, Tran-quillinum verò patrem eorum dixit Presbyterum, & Beatum Sebastianum, qui ad multorum profectum, sub specie militiæ latebat, sacro honore priscis temporibus, inter Ecclesiasticos eximio, Ecclesiæ defensorem constituit, cæteros verò Subdiaconos pronunciauit. At cum præ solertia ministrorum impietatis omnia sagacissimè indagantium, Christianis nullus locus tutus inueniretur, ad latebras fuit confugiendum; morabantur itaq; omnes apud Castulum quemdam, qui ex officio quodam Palatinali Zetarius Palatij dicebatur, hic cum altissimum eius locum vnà cum familia Christū ample-xa incoletet, cumq; nulla susceptæ nouæ religionis suspi-cione laboraret, ea sedes ei recipiendis Christianis apris-sima visa est. hic ergò cum Caio Papa morabantur omnes, & die noctuq; gemitibus, fletibus, ieiunijs, & ora-tionibus occupati, orabant Dominum, vt digni haberen-tur tolerantia confessionis eius, & in numerum Sanctorū Martyrum admitti mererentur. ascendebant autem ad eos occultè religiosi viri & feminae, quippè qui à Sanctis diuersas sanitatis gratias impetrarent. nam & cecorum.

oculi

oculi illuminabantur eorum precibus, & salus reddebatur agrotis; & de obsessis corporibus, Dæmones pellebantur.

Interea dum hæc ab eis agerentur, cum Tiburtius recitata Oratione Dominica, Apostolicoq; Symbolo super quodam; qui lapsus ab alto ædium caput membraque quassauerat, sanitati eū restituisset, Christianisq; disciplinis imbuisset, cum cum eiusdē parentibus, perduxit ad Caiū Pontificem dicens: Venerabilis Papa, ac Diuinæ Legis Antistes, ecce quos per me hodiē Christus lucratus est, in quibus fides mea velut arbuscula nouella, primum propit in fructum: tunc Sanctus Caius eos baptizauit gratias Deo referentes: hætenus ex actis S. Sebastiani, quæ paucis immutatis, eodem sensu, verhisq; quanto magis potui, iisdem expressi. Cum ergo ethnici Pontifices Caij studio viderent res Christianorum in dies augeri, nec contra eum tanquam Diocletiano arctissima affinitate iunctum quicquam mouere auderent, Sebastiano quem post Caium Christianorum potissimum præsidium esse cognoscebant; euertendo, perdendoq; vires omnes intendunt, ut ergo ipsum Principibus acceptissimum, & ad primos militiæ gradus iam pridem promotum, redderent odiosum; calumniam struunt, eundem in Imperatorum & Imperij perniciem res nouas moliri; quod Diocletiano mirum licet, credibile tamen visum ex eo, quod aliquos ex Christianis Carinianam factionem sequentes hostes fuerat expertus. hoc enim ex ipsius Sebastiani mox morituri verbis ad Imperatores facile est colligere, dum credulitatem, non verò crudelitatem prout quidam publicis tabulis asserunt, Principum accusando, ita eos allo-

quitur:

quitur : Vos quidem peruersis Pontificum vestrorum
 persuasionibus imbuti, prauam de Christianis opinio-
 nem fouetis, quasi illi cladem ingentem huic vestro Im-
 perio inferant, & scelere suo tranquillum Reipublicæ Ita-
 tum perturbent. ita eiusdem acta. hinc mirum minimè
 Caium Pontificem carnificinè eorum martyrum, qui eo-
 dem tempore cum Sebastiano sunt coronati, fuisse sub-
 tractum, ac diutius indè in oculis Principū superuixisse.
 Diocletianus enim Christianos eiusmodi suspitione ca-
 rentes, non solum liberè agere permisit, sed ad maximos
 honores euexit, Prouinciarum præfecturas commisit, Ec-
 clesias extrui ampliariq; summa benignitate permisit, vt
 ex Eusebio, qui omnium aliorum Scriptorum Diocletia-
 no fuit infensissimus, Libri 8. Capite 1. Histor. est vide-
 re. eius verba hæc sunt: Quantum splendoris doctrina,
 veræ pietatis in Deum rerum omnium gubernatorem
 mundo per Christum patefacta, apud omnes homines
 Græcos simul & Barbaros antè istam persecutionis tem-
 pestatem, quæ nostra ingruit memoria, obtinuerit; &
 quam liberè inter eos prædicata fuerit, maius quiddam
 est, quàm quod nos nostra in dicendo tenuitate, satis pro
 dignitate explicare possimus. cuius rei argumento esse
 poterit singularis Imperatorum humanitas, qua nostros
 tam benignè exceperunt; quibus quidem tum Prouin-
 ciarum præfecturas, gratuito impertierunt, tum propter
 incredibilem beneuolentiam, quam ergà nostrā religio-
 nis professionem habebant, omni afflictatione & mole-
 stia, quam pro Dei amore homines Christiani solent per-
 peti, eos penitus liberarunt.

Quid de his attinet dicere, qui sunt in Imperatorum

Palatio

Palatio magnam dignitatem adepti, deq; ipsis Imperatoribus, qui domesticis suis pro sermone diuino propagando, & pia viræ ratione degenda, ipsi velut inspectantes, copiam fecerunt, liberè & ingenuè dicendi, atque adeò suis ipsorum vxoribus, liberis & seruis, quasi palam de mira fidei libertate, & gloriandi, exultandi, potestatem permiserunt? quos certè chariores habuerunt, & magis eximiè dilectos, quàm reliquam seruorum turbam: vt Dorotheum illum, qui præter ceteros erga illos, & beneuolentiam summam ostendit, & fidem non minorem; ac propterea præ alijs, qui magistratus & præfecturas in Imperio gerebant, amplissimum honoris gradum adeptus est: vt Gorgonium qui non dissimili fama, & celebritate ennituit; vt alios non paucos, qui propter Dei verbum sunt parem cum illis dignitatem consequuti. Aut quid memorem qua humanitatè cultu, & beneuolentia, non illa quidem vulgari, & contemnenda prouinciarum Præfecti & Rectores, Ecclesiarum Præsides & Episcopos, vt manifesto cernere licebat, complexati fuerint? aut quomodo quisquam conuentus illos infinita hominum turba frequentatos, multitudines in singulis Ciuitatibus coactas, illustres hominum in templis concursus, poterit Oratione explicare? vnde cum in antiquis illis ædificijs non satis loci haberent, ampliòres Ecclesias in vniuersis Urbibus fundamentis earum ad maiorem laxitatem dilatatis, erexerunt. & quamdiù diuina & cælestis Dei manus populum suum, vtpotè auxilium eius promerentem obtexit, suoq; muniuit præsidio, tamdiù neque vlla hominum inuidia, quominus istæ res vnà cum tempore in dies maiores progressiones facerent, incremento & ma-

gnitudine aufererent, omnino potuit obsistere; neque
 vesanus ille & perditus Dæmon vel suo ipsius conatu eos
 in inuidiam rapere, vel hominum insidijs, vlla ex parte
 impedire. hæc Eusebius testis (vt aiunt) oculatus. qui-
 bus conuenientia, sed multo maiora ad declarandam Dio-
 cletiani erga Christianos aliquando mansuetudinem, &
 beneuolentiam exequitur Nicephorus Calixtus Capite
 Secundo Libri Septimi Ecclesiasticæ suæ Historiæ. Huius
 humanitatis Diocletianæ in Christianos, crediderim post
 mortem Sebastiani auctorem Caium ipsum extitisse, qui
 consobrini animum alioqui omnibus maximo Prince-
 dotibus dignis spectatissimum, libertate quam sibi arctis-
 simæ affinitatis vinculū permittebat, facile potuit æquū
 Christianis effecisse, purgatis ijsce calumnijs quibus im-
 pia gētiliciæ superstitionis Antistitum officia puritatem
 sacrosanctæ legis turbare perdereq; conabantur; Serenam
 quoque Augustam marito sciente nec contradicente,
 professionis Christiana femina Caij diligentia ac pie-
 tatis sociam apud Diocletianum suæ religionis homini-
 bus profuisse credibile est: etenim ab obitu Sebastiani,
 qui contigit anno Domini 288. vsque ad vltimum annū
 Sedis vitæq; Caij Pontificis, integro octo annorum spatio,
 exceptis Valeriæ gentis confessoribus, vix mirum dictū,
 tres martyres, eosq; simul & vna die Tharsi in Cilicia
 sub Maximo Præsidente cruciatos, apud Annales Ecclesiasti-
 cos est inuenire. minimè tamen dubitarim maiore par-
 tem eorū, quæ ab Eusebio & Nicephoro referuntur à Dio-
 cletiano Christianis indulta, etiā aucta post Caij mortem,
 ab eo tempore præsertim, quo vt dicturi sumus, Arthemio
 eius filia, per Cyriacum Diaconū dæmoninis vexatione

libe-

liberata, mentis & corporis sanitatem est assequuta. Hac temporum tranquillitate benè vsus Caius, inclytos Ecclesiasticorum sacrorum graduum ordines, summa pietate ab Ecclesia receptos, & perpetuò ab eo tempore seruatos, discreuit atque digessit; vt videlicet quemadmodum ait Anastasius, si quis Episcopus fieri mereretur, esset prius Ostiarius, successiuè Lector, Exorcista, Acolitus, Subdiaconus, Diaconus, Presbyter, & exindè Episcopus. cuius dispositionis idem Caius in ea Epistola, quam vltimo sui Præfulatus anno, de Diuinitate, & Humanitate Christi, ad * Felicem dedit Episcopum, extrema parte meminit. sic itaq; rebus in Vrbe componendis intentus, in qua numerum Christianorum magnis accessionibus adaugeri cernebat, dum ipse grauioribus rebus adductus, eorum vt res poscebat necessitatibus prospicere minimè valeret, Diaconis ad quos ab ipso Ecclesiæ exordio, pauperum pertinebat procuratio, regiones Vrbis diuisit, Anastasio teste. Ab Vrbani porrò rebus ad remotiores Orbis partes pietati propagandæ, proprio supremi Pastoris munere, animum adiiciens, Bisontinis Maximū teste Iacobo Chisieto destinat Episcopum. in Sardiniam Insulam Prothum Presbyterum & Ianuariū Diaconū delegauit, vt Ecclesiasticæ tabulæ testantur. eius partes intercā pro virili Gabinius frater indefessa subleuabat diligentia; qui defuncta coniuge ex qua Susannam filiam susceperat, sacris initiatus, Presbyterali dignitate in Vrbe satis erat conspicuus, cum enim egregia eruditione præstaret, vt habent acta Susannæ, tanquam verus Ecclesiæ Senator, multa contra Gentilium impietatem scripsit, ac pro religione Christiana præclaram defensio.

nem publicauit, quam dolendum sanè ad posteritatis
 manus peruenire non potuisse; cum 9 Claudius & Maxi-
 mus, quos acta S. Susannæ modo Fratres Caij & Gabinij;
 modo germanos & affines, tum Caij tum Diocletiani
 appellant, veritas Maruli notis, auctoritateq; Martyro-
 logij Bedæ, & aliorum antiquiorum testata, fratres Gabi-
 nij Caijque; prodit, in Comitatu Imperatorum gentilicæ
 superstitioni addicti degerent; quos spectata simul mili-
 tari virtute, & suorum in altum gloriæ prouehendorum
 studiosus Imperator Tribunos utrumque; constituerat, Ma-
 ximum præterea ad Magistratum Palatinalem, Comitæ
 rei priuatæ, cuius fidei concredebantur ea, quæ tanquam
 ad priuatas Principis rationes pertinerent, munus fidi-
 simis quibusque; committi solitum, euexerat. Interim Clau-
 dius Aureliæ Valeriæ stirpis propagandæ cupidus, quod
 Diocletianum Principem mascula prole cerneret orba-
 tum, Pontificem Caium perpetuò cælibatui addictum,
 Gabinium post coniugis fatum, Sacerdotiò insignem,
 Maximum verò Palatinalibus militaribusque; studijs peni-
 tûs occupatum, posteritate virili destitutos, ducta Præpe-
 digna coniuge, faciliè ex sua gente Illyrica, præclaram
 prolem, Cuthiam & Alexandrum filios suscepit.
 Dum Valerij Pontificij in hunc modum sese habent;
 Imperator ex Serena Augusta, quam Illyricam fuisse,
 præter Principis ingenium omninò suis deditum, vel ex
 eo licet conijcere, quod nullus Scriptorum Romanorum
 vnquam illius meminerit, tabulis Ecclesiasticis exceptis,
 duas filias, Valeriam adhuc priuatus; & Arthemiam ad
 Regnum euectus, genuerat, nulla virili prole suscepta.
 hinc non minùs de posteritate, quam de bono successore

sibi

sibi collegæq; subrogando sollicitus, anno sui Imperij nono, nonagesimo secundo supra ducentesimo a Christo nato, ipsis Kalendis Martijs, Maximianum Galerium, sicuti Maximianus Herculus collega, Constantiũ Chlo- rum ^{1o} Illyricos, priores vxores repudiare coactos, ex quibus hic iam Constantinum, ille verò Seuerum & Maximinum, habuerant, iuncta Valeria Diocletiani filia, Galerio, Theodora verò Herculi priuigna Constantio, generos adscitos, filios, & in Imperio successores adoptarunt, cum prius vniuersum terrarum Orbem pacassent; vt ex Panegyrico Maximiano dicto ijs verbis habetur.

O Kalenda Martiæ, sicuti olim ænorum voluentium, ita nunc æternorum auspices Imperatorum: quãta enim inuictissimi Principes, & vobis est, & Reipublicæ propagatio, Orbis vestri participando tutelam. cuius licet omni hoste perdomito certa securitas, nimius tamen in diuersa discursus, vel reuifenda poscebat; Partho quidem vltà Tygrin redacto, Dacia restituta, porrectis vsque ad Danubij caput Germaniæ Rhetiæq; limitibus, destinata Batauiæ Britanniaq; vindicta, gubernacula maiora quærebat, aucta atque augenda Respublica. & qui Romanæ potentia, terminos virtute protulerant, Imperium filio pietate debebant. hæc ille. verum enimvero sicuti Constãtius numerosam sex filiorum prolem ex Theodora tulit, ita Galerius sterilem penitus Valeriam, tertio coniugij anno, morte sublatam ammisit: cuius amore Diocletianus pater, vt defunctæ memoriam consecraret æternitati, Pannoniæ partem, teste Ammiano, eius nomine institui, cognominariq; voluit; illam nimirum partem, quæ hodiè Varasienti Comitatu, Drauũ inter &

Sauum fluuios, nobilis Slauonici Regni portio, diues gleba fortiq; colono censetur; sed præterea eiusdem Valeriz nomine nuncupasse Ciuitatem sitam ad ripam Danubij ex Ennodio tradit Baronius; quam fortè eo loci fuisse coniectari licet, vbi nunc primaria Vngarici Regni Ciuitas Strigonienfis extare videtur, cum superioribus annis, quædam Epygrammata Valeriz nomine insignita, inibi ferantur effossa. Cum itaque morte Valeriz Diocletianus videret resolutum affinitatis vinculum cum Galerio, omnem diligentiam adhibuit, vt eundem iterato vinculo, sibi Reipublicæq; vinctum retineret. Susannam igitur Gabinij consobrini filiam, virtutibus omnibus à patre instructam, in sua cognatione vnicam, cum Arthemisia eius filia admodum teneræ esset ætatis, fœdere nuptiarum ipsi iungere statuit; at dum terreno Regi illam copulare satagit, aliud omninò agens, immortalis Cæli Regi æterno fœdere sponsam coniunxit.

Extant acta Susannæ quatuor exemplaribus aliquantulum inter se discrepantibus consignata, quorum auctoritate, sed ijs facem præferentibus quæ à Laurentio Surio publicam in lucem data sunt, verbis ipsis plerumq; retentis, nuptialem Virginis inuidæ purpuram, & immortalitatis sertum contexamus. Diocletianus igitur iuncturus Susannam Galerio, consobrinum suum Claudium, virginis patruum accersit. eique dat negotium Gabinij adeundi, suæq; voluntatis eidem circà filiam eius aperientis. quod cum ipse Gabinio significasset, isque videretur quodammodo tale connubium abnuere, eo quod filiam suam tanquam Christianam, Imperatorio thalamo, nequaquam parem censeret; Claudius è contra condignum

esse contenderet, vt ad nutum Diocletiani patruj; Virgo Regem fortiretur maritum, iustum esse inquires, vt à firma radice nata virgulta non separentur; Gabinius acceptis inducijs mentis puellæ explorandæ prætextu, eandem ad Caium Pontificem adduxit, quem cum certior fecisset omnium, quibus eum Claudius nomine Imperatoris adierat, Susannæ coram eodem voluntatem Principis aperuit, non absque lachrymis; cuius verba, Virgo miro mentis ardore rationumq; grauitate ita reiecit, vt detestatis nuptijs cum Dæmonum cultore experitis, nihil antiquius esse sibi addiderit, quam deuotam Christianæ castitati vitam, & pudicitiam, Christo immortali sponso illibatam seruare; multisq; & Euangelicis, & Apostoli prælatis autoritatibus, ita diserte propositum suum, magno mortis contemptu, eis explicauit, vt æquè à patre, ac patruo ad ipsdem vestigijs insistendum, quibus iam constiterat, nullo metu Principum minitantium, ingenti commendatione constantissimi illius animi confirmaretur. Triduo post redijt Claudius ad explorandum quid cum Susanna Gabinius egisset, eundemq; cum Caio inuentum, more patrio amplexatus est, & osculatus; qui cum Susannam aduocassent, vt ab ipsamet mentis eius deliberationem intelligeret, eandem quoque amplecti & osculari voluit, quem illa reijciens: non inquit ob aliud recusò osculum, quam quòd os tuum sacrificijs Idolorum pollutum est. ad quam ille: ecquid verò faciam vt hac immunditia purgetur os meum? cui Virgo cum baptismi & pœnitentiæ proposuisset remedium, à Caio Pontifice de rebus Christianæ religionis expetiuit erudiri, & sacro fonte lauari; Susanna hoc idem ad Caij

pedes

Marcus, & pater eorum vir Clarissimus Tranquillinus, itemq; Beatus Sebastianus, & iuuenis corpore pulcherri-
mus, sed pulchrior mente Sanctus Tiburtius, tum quoq;
Nicostratus, à publicarum tabularum custodia Protoſcri-
niarius appellatus, cum fratre suo Caſtorio, & coniuge
Zoe, & Claudius etiam cum fratre ſuo Victorino, & filio
Symphoriano, qui fuerat ab hydropiſis morbo liberatus.
hi ſoli reliquis omnibus cum Chromatio proficiſcētibus,
in Vrbe cum Caio Pontifice remaſerunt, qui Marcum
& Marcellinum Diaconiꝝ honore ſanctificauit, Tran-
quillinum verò patrem eorum dixit Presbyterum,
& Beatum Sebastianum, qui ad multorum proſectum,
ſub ſpecie militiæ latebat, ſacro honore priſcis temporibus,
inter Eccleſiaſticos eximio, Eccleſiæ deſenſorem
conſtituit, cæteros verò Subdiaconos pronunciauit. At
cum præ ſolertia miniſtrorum impietatis omnia ſaga-
ciſſimè indagantium, Chriſtianis nullas locusturus inue-
niretur, ad latebras fuit confugiendum; morabantur
itaq; omnes apud Caſtulum quemdam, qui ex officio
quodam Palatinali Zetarius Palatiꝝ dicebatur, hic cum
altiſſimum eius locum vnà cum familia Chriſtū ample-
xa incoleret, cumq; nulla ſuſceptæ nouæ religionis ſuſpi-
cione laboraret; ea ſedes ei recipiendis Chriſtianis aptiſ-
ſima viſa eſt: hic ergò cum Caio Papa morabantur om-
nes, & die noctuq; gemitibus, ſletibus, ieiunijs, & ora-
tionibus occupati, orabant Dominum, vt digni haberen-
tur tolerantia conſeſſionis eius, & in numerum Sanctorū
Martyrum admitti mererentur. aſcendebant autem ad
eos occultè religioſi viri & ſeminæ, quippè qui à Sanctis
diuerſas ſanctatis gratias impetrarent. nam & cæcorum

oculi

oculi illuminabantur eorum precibus, & salus reddebatur ægrotis; & de obsessis corporibus, Dæmones pellebantur.

Interea dum hæc ab eis agerentur, cum Tiburtius recitata Oratione Dominica, Apostolicoq; Symbolo super quodam; qui lapsus ab alto ædium caput membraque quassauerat, sanitati eū restituisset, Christianisq; disciplinis imbuisset, cum cum eiusdē parentibus, perduxit ad Caiū Pontificem dicens: Venerabilis Papa, ac Diuinæ Legis Antistes, ecce quos per me hodiē Christus lucratus est, in quibus fides mea velut arbuscula nouella, primum propit in fructum: tunc Sanctus Caius eos baptizauit gratias Deo referentes: hætenus ex actis S. Sebastiani, quæ paucis immutatis, eodem sensu, verbisq; quantò magis potui, iisdem expressi. Cum ergo ethnici Pontifices Caii studio viderent res Christianorum in dies augeri, nec contra eum tanquam Diocletiano arctissima affinitate iunctum quicquam mouere auderent, Sebastiano quem post Caium Christianorum potissimum præsidium esse cognoscebant, euertendo, perdendoq; vires omnes intendunt, vt ergo ipsum Principibus acceptissimum, & ad primos militiæ gradus iam pridem promotum, redderent odiosum; calumniam struunt; eundem in Imperatorum & Imperij perniciem res nouas moliri; quod Diocletiano mirum licet, credibile tamen visum ex eo, quod aliquos ex Christianis Carinianam factionem sequentes hostes fuerat expertus. hoc enim ex ipsius Sebastiani morituri verbis ad Imperatores faciliè est colligere, dum credulitatem, non verò crudelitatem prout quidam publicis tabulis asserunt, Principum accusando, ita eos ailo-

quitur:

quitur : Vos quidem peruersis Pontificum vestrorum
 persuasionebus imbuti, prauam de Christianis opinio-
 nem fouetis, quasi illi cladem ingentem huic vestro Im-
 perio inferant, & scelere suo tranquillum Reipublicæ sta-
 tum perturbent. ita eiusdem acta. hinc mirum minimè
 Caium Pontificem carnificinæ eorum martyrum, qui eo-
 dem tempore cum Sebastiano sunt coronati, fuisse sub-
 tractum, ac diutius indè in oculis Principū superuixisse.
 Diocletianus enim Christianos eiusmodi suspicione ca-
 rentes, non solum liberè agere permisit, sed ad maximos
 honores euexit, Prouinciarum præfecturas commisit, Ec-
 clesias extrui ampliariq; summa benignitate permisit, vt
 ex Eusebio, qui omnium aliorum Scriptorum Diocletia-
 no fuit infensissimus, Libri 8. Capite 1. Histor. est vide-
 re. eius verba hæc sunt: Quantum splendoris doctrina,
 veræ pietatis in Deum rerum omnium gubernatorem
 mundo per Christum patefacta, apud omnes homines
 Græcos simul & Barbaros antiè istam persecutionis tem-
 pestatem, quæ nostra ingruit memoria, obtinuerit; &
 quam liberè inter eos prædicata fuerit, maius quiddam
 est, quàm quod nos nostra in dicendo tenuitate, satis pro
 dignitate explicare possimus. cuius rei argumento esse
 poterit singularis Imperatorum humanitas, qua nostros
 tam benignè exceperunt; quibus quidem tùm Prouin-
 ciarum præfecturas, gratuito impertierunt, tùm propter
 incredibilem beneuolentiam, quam ergà nostrâ religio-
 nis professionem habebant, omni afflictatione & mole-
 stia, quam pro Dei amore homines Christiani solent per-
 peti, eos penitus liberarunt.

Quid de his attinet dicere, qui sunt in Imperatorum

Palatio

Palatio magnam dignitatem adepti, deq; ipsis Imperatoribus, qui domesticis suis pro sermone diuino propagando, & pia vitæ ratione degenda, ipsi velut inspectantes, copiam fecerunt; liberè & ingenuè dicendi; atque adeò suis ipsorum vxoribus, liberis & seruis, quasi palam de mira fidei libertate, & gloriandi, exultandi; potestatem permiserunt? quos certè chariores habuerunt, & magis eximie dilectos, quam reliquam seruatorum turbam: vt Dorotheum illum, qui præter ceteros erga illos, & beneuolentiam summam ostendit, & fidem non minorem; ac propterea præ alijs, qui magistratus & præfecturas in Imperio gerebant, amplissimum honoris gradum adeptus est: vt Gorgonium qui non dissimili fama, & celebritate ennituit; vt alios non paucos, qui propter Dei verbum sunt parem cum illis dignitatem consequuti. Aut quid memorem qua humanitate cultu, & beneuolentia, non illa quidem vulgari, & contemnenda prouinciarum Præfecti & Rectores, Ecclesiarum Præsides & Episcopos, vt manifesto ternere licebat, complexi fuerint? aut quomodo quisquam conuentus illos infinita hominum turba frequentatos, multitudines in singulis Ciuitatibus coactas, illustres hominum in templis concursus, poterit Oratione explicare? vnde cum in antiquis illis ædificijs non satis loci haberent, ampliores Ecclesias in vniuersis Urbibus fundamentis earum ad maiorem laxitatem dilatatis, erexerunt. & quamdiu diuina & celestis Dei manus populum suum, vtpote auxilium eius promerentem obtexit, suoq; muniuit præsidio, tamdiu neque vlla hominum inuidia, quominus istæ res vnà cum tempore in dies maiores progressionem facerent, incremento & ma-

gnitudine aufererent, omninò potuit obsistere; neque
 vefanus ille & perditus Dæmon vel suo ipsius conatu eos
 in inuidiam rapere, vel hominum insidijs, vlla ex parte
 impedire. hæc Eusebius testis (vt aiunt) oculatus: qui-
 bus conuenientia, sed multò maiora ad declarandam Dio-
 cletiani erga Christianos aliquando mansuetudinem, &
 beneuolentiam exequitur Nicephorus Calixtus Capite
 Secundo Libri Septimi Ecclesiasticæ suæ Historiæ. Huius
 humanitatis Diocletianæ in Christianos, crediderim post
 mortem Sebastiani authorem Caium ipsum extitisse, qui
 consobrini animum alioquò omnibus maximo Prince-
 dotibus dignis spectatissimum, libertate quam sibi arctis-
 simæ affinitatis vinculū permittebat, facillè potuit æquū
 Christianis effecisse, purgatis ipsæ calumnijs quibus im-
 pia gētiliciæ superstitionis Antistitum officia puritatem
 sacrosanctæ legis turbare perdereq; conabantur; Serenam
 quoque Augustam marito sciente nec contradicente,
 professionis Christiana femina Caij diligentia ac pie-
 tatis sociam apud Diocletianum suæ religionis homini-
 bus profuisse credibile est; etenim ab obitu Sebastiani,
 qui contigit anno Domini 288. vsque ad vltimum annū
 Sedis vitæq; Caij Pontificis, integro octo annorum spatio,
 exceptis Valeriæ gentis confessoribus, vix mirū dictū,
 tres martyres, eosq; simul & vna die Tharsi in Cilicia
 sub Maximo Præside cruciatos, apud Annales Ecclesiasti-
 cos est inuenire. minimè tamen dubitarim maiore par-
 tem eorū, quæ ab Eusebio & Nicephoro referuntur à Dio-
 cletiano Christianis indulta, etiā aucta post Caij mortem,
 ab eo tēpore præsertim, quo vt dicturi sumus, Arthemia
 eius filia, per Cyriacum Diaconū demoninis vexatione

libe-

liberata, mentis & corporis sanitatem est assequuta. Hac temporum tranquillitate benè vsus Caius, inclytos Ecclesiasticorum sacrorum graduum ordines, summa pietate ab Ecclesia receptos, & perpetuò ab eo tempore seruatos, discreuit atque digessit; vt videlicet quemadmodum ait Anastasius, si quis Episcopus fieri mereretur, esset prius Ostiarius, successiuè Lector, Exorcista, Acolitus, Subdiaconus, Diaconus, Presbyter, & exindè Episcopus. cuius dispositionis idem Caius in ea Epistola, quam vltimo sui Præfulatus anno, de Diuinitate, & Humanitate Christi, ad ¹. Felicem dedit Episcopum, extrema parte meminit. sic itaq; rebus in Vrbe componendis intentus, in qua numerum Christianorum magnis accessionibus adaugeri cernebat, dum ipse grauioribus rebus additus, eorum vt res poscebat necessitatibus prospicere minimè valeret, Diaconis ad quos ab ipso Ecclesiæ exordio, pauperum pertinebat procuratio, regiones Urbis diuisit, Anastasio teste. Ab Urbanis porrò rebus ad remotiores Orbis partes pietati propagandæ, proprio supremi Pastoris munere, animum adiciens, Bisontinis Maximū teste Iacobo Chisletto destinat Episcopum. in Sardiniam Insulam Prothum Presbyterum & Ianuarium Diaconū delegauit, vt Ecclesiasticæ tabulæ testantur. eius partes intereà pro virili Gabinius frater indefessa subleuabat diligentia; qui defuncta coniuge ex qua Susannam filiam susceperat, sacris initiatus, Presbyterali dignitate in Vrbe satis erat conspicuus, cum enim egregia eruditione præstaret, vt habent acta Susannæ, tanquam verus Ecclesiæ Senator, multa contra Gentiliū impietatem scripsit, ac pro religione Christiana præclaram defensio-

nem publicauit, quam dolendum sanè ad posteritatis manus peruenire non potuisse; cum 9 Claudius & Maximus, quos acta S. Susannæ modo Fratres Caij & Gabinij, modo germanos & affines, tùm Caij tùm Diocletiani appellant, veritas Maruli notis, authoritateq; Martyrologij Bedæ, & aliorum antiquiorum testata, fratres Gabinij Caij; prodit, in Comitatu Imperatorum gentilicæ superstitioni addicti degerent; quos spectata simul militari virtute, & suorum in altum gloriæ prouehendorum studiosus Imperator Tribunos vtrumq; constituerat, Maximum præterea ad Magistratum Palatinalem, Comitæ rei priuatæ, cuius fidei concedebantur ea, quæ tanquam ad priuatas Principis rationes pertinerent, munus fidelissimis quibusq; committi solitum, euexerat. Interim Claudius Aureliæ Valeriæ stirpis propagandæ cupidus, quòd Diocletianum Principem mascula prole cerneret orbatum, Pontificem Caium perpetuò cælibatui addictum, Gabinium post coniugis fatum, Sacerdotiò insignem, Maximum verò Palatinalibus militaribusq; studijs penitus occupatum, posteritate virili destitutos, ducta Præpedita coniuge, facillè ex sua gente Illyrica, præclaram prolem, Cuthiam & Alexandrum filios suscepit. Dum Valerij Pontificij in hunc modum sese habent, Imperator ex Serena Augusta, quam Illyricam fuisse, præter Principis ingenium omninò suis deditum, vel ex eo licet conijcere, quod nullus Scriptorum Romanorum vnquam illius meminerit, tabulis Ecclesiasticis exceptis, duas filias, Valeriam adhuc priuatus, & Arthemiam ad Regnum euectus, genuerat, nulla virili prole suscepta. hunc non minùs de posteritate, quam de bono successore

sibi

sibi collegæq; subrogando sollicitus, anno sui Imperij nono, nonagesimo secundo supra ducentessimum à Christo nato, ipsis Kalendis Martijs, Maximianum Galerium, sicuti Maximianus Herculus collega, Constantiũ Chlorum 1º Illyricos, priores vxores repudiare coactos, ex quibus hic iam Constantinum, ille verò Seuerum & Maximinum, habuerant, iuncta Valeria Diocletiani filia, Galerio, Theodora verò Herculi priuigna Constantio, generos adscitos, filios, & in Imperio successores adoptarunt, cum prius vniuersum terrarum Orbem pacassent; vt ex Panegyrico Maximiano dicto ijs verbis habetur.

O Kalenda Martiz, sicuti olim ænorum voluentium, ira nunc æternorum auspices Imperatorum: quãta enim inuictissimi Principes, & vobis est, & Reipublicæ propagatio, Orbis vestri participando tutelam. cuius licet omni hoste perdomito certa securitas, nimius tamen indiuerſa discursus, vel reuiscenda poscebat; Partho quidem vltimò Tygrim redacto, Dacia restituta, porrectis vsque ad Danubij caput Germaniæ Rhetizq; limitibus, destinata Batauiæ Britannizq; vindicta, gubernacula maiora quærebat, aucta atque augenda Respublica. & qui Romanæ potentiz, terminos virtute protulerant, Imperium filio pietate debebant. hæc ille. verum enimvero sicuti Constãtius numerosam sex filiorum prolem ex Theodora tulit, ita Galerius sterilem penitus Valeriam, tertio coniugij anno, morte sublatam ammisit: cuius amore Diocletianus pater, vt defunctæ memoriam consecraret æternitati, Pannoniæ partem. teste Ammiano, eius nomine institui, cognominariq; voluit; illam nimirum partem, quæ hodiè Varaldienti Comitatu, Draui inter &

Sauum fluuios, nobilis Slauonici Regni portio, diues gleba fortiq; colono censetur; sed præterea eiusdem Valeriz nomine nuncupasse Ciuitatem sitam ad ripam Danubij ex Ennodio tradit Baronius; quam fortè eo loci fuisse coniectari licet, vbi nunc primaria Vngarici Regni Ciuitas Strigonienfis extare videtur, cum superioribus annis, quædam Epygrammata Valeriz nomine insignita, inibi ferantur effossa. Cum itaque morte Valeriz Diocletianus videret resolutum affinitatis vinculum cum Galerio, omnem diligentiam adhibuit, vt eundem iterato vinculo, sibi Reipublicæq; vinctum retineret. Susannam igitur Gabinij consobrini filiam, virtutibus omnibus à patre instructam, in sua cognatione vnicam, cum Arthemisia eius filia admodum teneræ esset ætatis, sedere nuptiarum ipsi iungere statuit; at dum terreno Regi illam copulare satagit, aliud omninò agens, immortalis Cæli Regi æterno sedere sponsam coniunxit.

Extant acta Susannæ quatuor exemplaribus aliquantulum inter se discrepantibus consignata, quorum auctoritate, sed ijs faciem præferentibus quæ à Laurentio Surio publicam in lucem data sunt, verbis ipsis plerumq; retentis, nuptialem Virginis inuictæ purpuram, & immortalitatis sertum contexamus. Diocletianus igitur iuncturus Susannam Galerio, consobrinum suum Claudium, virginis patruum accersit. eique dat negotium Gabinij adeundi, suæq; voluntatis eidem circa filiam eius aperienda. quod cum ipse Gabinio significasset, isque videretur quodammodo tale connubium abnuere, eo quod filiam suam tanquam Christianam, Imperatorio thalamo, nequaquam parem censeret; Claudius è contra condignum

esse contenderet, vt ad nutum Diocletiani patrui, Virgo Regera fortiretur maritum, iustum esse inquit, vt à firma radice nata virgulta non separentur; Gabinius acceptis inducijs mentis puellæ explorandæ prætextu, eandem ad Caium Pontificem adduxit, quem cum certior fecisset omnium, quibus eum Claudius nomine Imperatoris adierat, Susannæ coram eodem voluntatem Principis aperuit, non absque lachrymnis; cuius verba, Virgo miro mentis ardore rationumq; grauitate ita reiecit, vt detestatis nuptijs cum Dæmonum cultore expetitis, nihil antiquius esse sibi addiderit, quam deuotam Christianæ castitati vitam, & pudicitiam, Christo immortali sponso illibatam seruare; multisq; & Euangelicis, & Apostoli prælatis autoritatibus, ita disertè propositum suum, magno mortis contemptu, eis explicauit, vt æquè à patre, ac patruo ad ijdem vestigijs insistendum, quibus iam constiterat, nullo metu Principum minitantium, ingenti commendatione constantissimi illius animi confirmaretur. Triduo post redijt Claudius ad explorandum quid cum Susanna Gabinius egisset, eundemq; cum Caio inuentum, more patrio amplexatus est, & osculatus, qui cum Susannam aduocassent, vt ab ipsamet mentis eius deliberationem intelligeret, eandem quoque amplecti & osculari voluit, quem illa reiiciens: non inquit ob aliud recuso osculum, quam quòd os tuum sacrificijs Idolorum pollutum est. ad quam ille: ecquid verò faciam vt hac immunditia purgetur os meum? cui Virgo cum baptismi & pœnitentiæ proposuisset remedium, à Caio Pontifice de rebus Christianæ religionis expetiuit erudiri, & sacro fonte lauari; Susanna hoc idem ad Caij

pedes

pedes prouolura summis precibus exposcente; hinc Pontifex postquam disertis verbis illum instruxisset, capcemq; veræ pietatis effecisset, lactis & mellis sacra medicina, pro eorum temporum consuetudine resectum inter Cathecumenosq; adscitum, domum suam remisit; qui statim vxori suæ Præpedignæ cuncta quæ sibi contingerant, & quemadmodum precibus puellæ neptis suæ ad gratiam Domini accessisset, enarrauit. ijs auditis Præpedigna obstupuit, & vt ea quæ diu antè de fide Christiana capeffenda cogitauerat, sed terrore viri Christianos insequenti destiterat, repente ad Caium Pontificem se contulit, ad cuius pedes cum se submisisset, eisdemq; tenens, & exosculans, cum lachrymis salutem suam, & filiorum à Pontifice flagitabat ad cuius voces Susanna è cubiculo prodiens, peramanter illam est amplexata. nocte sequenti adest Claudius cum duobus filijs Alexandro & Cuthia, domumq; Gabinij ingreditur, proiectusq; ad pedes ipsius petijt maximis precibus, sibi filijsq; baptismi gratiam impertiri; quos Gabinius præmissis quæ in huiusmodi actu ritu Ecclesiastico fieri consueverunt, Cathecumenos cum matre effecit, mox vbi de fide Christiana sufficienter instruxit, sacro baptismo Claudium expiauit; Caius verò tanquam Pontifex sacro Chrismate illiniuit, vxoremq; eius Præpedignam ac filios, sacri fontis lauacro abluir, quos Gabinius suscepit è Baptismo. post hæc idem Pontifex in eadem domo pro illis sacrificium obtulit, & consecrauit corpus & sanguinem Agni immaculati, & lac & mel & fontem, participauitq; cum omnibus mysterium Dei, iuxta illorum temporum consuetudinem. Claudius statim vt Christianus est effectus,

facul-

facultates suas pauperibus erogare cepit; ijs præsertim, qui vel secretioribus locis occultabantur, vel pro fide Christiana vinculis adstricti tenebantur; quos non solum pecunijs distributis, sed vestimentis exhibitis confovebat; abiciensq; se ad eorum pedes, supplex ab eis petebat; Deum quem Christianos persequendo offendisset, sibi propitium efficerent; nocturnis horis custodias publicas adeundo. post mensem & dies sexdecim ab eo tempore quo Rex connubium cum Susanna stabiliendum illi demandarat; transactis; Diocletianus cum illum nulla responsa referentem, perquirere fecisset, teneriq; morbo accepisset; fratrem eius Maximum; rei privatæ Comitem ad illum inuisendum, & ab eodem, quid de connubio commisso egisset, inquirendum destinatis. ibi venit ad Claudium, cum cilicio indutum, & orantem invenit; quo spectaculo perterritus; causam tantæ novitatis ab eo inquit, cui ille, se eorum peccatorum, quos Christianos insequendo contraxerat, penitentiam eo statu & corporis habitu agere respondit. sed cum is quid de negotio à Principe super neptis Susannæ nuptijs commisso egisset interrogaret: ego ait. Claudius neptem meam adiui, nomineq; Imperatoris ad amplectendas propositas nuptias, hortatus sum, verum cum eam non minori prudentia quam corporis pulchritudine conspicuam, Deo æternò Virginem dicaram inuenissem, ipsius opera Christianam religionem suscepi, & ut scias Deum omnipotentem omnium salutem expetere, nocte insequenti domum fratris nostri, & patris Gabinij iter intendamus, ibi æternitatis splendorem hausturi. ad quam cum statuto tempore sese contulissent, Gabinus ubi eos

pro

pro foribus adstare accepit, occurrens eis, in domum introduxit; mox Christiano more preces eiusmodi effudit: Oremus: illisq; humo prostratis ait: Domine Deus, qui dispersa congregas, & congregata respicis, respice in opera manuum tuarum, & illumina omnes in te credentes, quia tu es lumen verum, in secula seculorum. Amen. responderunt omnes; surgentesq; de terra. mutuo se complectuntur & osculantur. Claudius verò cum gaudio osculabatur pedes Gabinij, quod cernens Maximus admirabatur, orabatq; ut Susanna in ipsius conspectum veniret, quæ per Gabinium aduocata, & illa more Christiano, à patre tanquam à Sacerdote benedici deposcente, sic ille orauit: Pax nobis donetur à Domino Iesu Christo, qui viuit & regnat cum Deo patre omnipotente, in secula seculorum, respondentibus ijs qui aderant. Amen. interea Maximus admiratus in Susanna constantiæ humilitatis & verecundiæ, apprehensas manus eius osculabatur, illa renuente. ijs Caio nunciatis qui in proximâ suæ domus Ecclesia morabatur, anxius ne sibi palma martyrij præriperetur, eo quod Maximum minùs amico animo, tãquam ethnicum ad Gabinij domum accessisse suspicaretur, eo statim conuolauit; quo adueniente, omnes qui erant intrâ ædem Gabinij, venerabundi se in terram prostrauerunt. quibus ille: In nomine Domini animo constantes estote, tùm precationem addidit. Oremus, Domine Deus Pater Domini nostri Iesu Christi, qui omnibus ad salutem & vitam æternam misisti Dominum nostrum Iesum Christum, ut nos è mundi tenebris erueres; da nobis seruis tuis constantiam fidei, quia tu regnas in secula seculorum. responderunt omnes. Amen.

Caius

Caius indè sedens ad congregatos sedentes, Susanna sola stante, & orante sermonem habuit. quo ad finem perducto, admissio ad osculum pedum Maximo, plura cum eo de causa sui aduentus egit, Maximoq; de Susanna Galerio iungenda ex Imperatoris voto vrgenti, Pontifex Virginis institutum cum patefecisset, eiq; excellentiam Christianæ virtutis, salutisq; suæ pondus exposuisset vberius, simulq; ostendisset, quantas diuitias ipse cum fratre salutis æternæ desiderio deseruisset, eum ad capeßendam Christi fidem, paterna affabilitate pellexit. verùm antequam salutarì fonte eundem expiaret, necessarijs monitis satis instructum, indicto ei vt Cathecumeno, ieiunio, ad propriam domum remisit. sed scintilla diuini amoris breui eam cupiditatis flammam in Maximi corde excitauit, vt ne momento temporis sese potuerit continere, quin iterum ad Christi Sacerdotes Caium & Gabinium petendi baptismatis gratia properaret. quorum consilio eousque passus est sibi salutis porrum occludi, donec omnia sua pauperibus erogaret. post quintum itaque diem maxima facultatum parte inter egentes distributa, magnis precibus & obtestationibus Caij pedibus aduolutus, calore fidei exestuans, exoptatam baptismi gratiam impetrauit. ergo priùs à Pontifice de ijs omnibus quæ perquirere consueuerat à proxime abluendis, Christiana pietate interrogatus, mox à Gabinio alijs instructus, manu Caij lauacro celesti, & sacra vnctione, numero fidelium est aggregatus, eodem Pontifice sacrosancta mysteria libante. Ab eo die Valerij fratres simul hospitio iuncti, laudibus diuinis latos dies transigebant, cum interea Maximus, vtpotè diuitijs ingentibus affluens, singulis

noctibus, amico cuidam nomine Thrasoni, iampridem à Caio ad Christi gregem traducto, reliquias suarum facultatum, indigentibus largiendâs cōmunicaret; Thrasone rem summa cura pietateq; perficiente, quippè qui præter rerum ac litterarum peritiam, nulli fermè gentiliū pro Christiano habitus, liberius iniunctum munus exequabatur, carceres quoscunque, custodiasq; quibus Christiani concludebantur inuisens.

Interea dum Diocletianus post Claudium, fratrem quoq; eius Maximum pro eodem connubij negotio successum, viginti dierum spatio minimè adesse animadverteret; Arsitius quidam qui in munere Comitum rei privatae, Maximo adiutor extiterat, Imperatorem adiens, defert Comitem idcirco à Palatio tandiū abesse, nec ullum responsum de concredita re ad eundem referre, quod tam ipse, quàm Claudius frater cum vxore Præpedigna, filijsq; Alexandro & Guthia, opera Caij atque Gabini Christianam religionem profiterentur, bonis omnibus quæ possedissent in egenos effusis. quo nuntio, tanquam inexpectato penitus Imperator consternatus, rem silentio texit. mox omnia Serenæ Augustæ vxori aperuit, dolens in primis, quod vterque frater commissi muneris officium exequi neglexissent. illa verò cum iampridem Christum coleret, nihilominus grates agens Deo, respondit Imperatori: hoc tantum consilij se posse subministrare, vt etiam ille diuinæ voluntati animum accommodaret. sed Imperator contempto coniugis consilio, vocat ad se Iulium quemdam, ferum & immanem hominem, rem cum illo communicat, iniuriam sibi illatam cōque-
stus, quod quibus, vt sibi carissimis, conciliandarum

nuptiarum adoptiui filij curam demandasset, ij contemptis eius præceptis, nil vnquam retulerint, sed insuper ausi sint ad Christianas partes transire. tunc Iulius non minus Imperatoris irati animo gratificaturus, quam odium in Christianos effusus, censuit omnes qui Principum mandata iniusta licet, nedùm iustitiæ & æquitatis plena, cuiusmodi fuissent illa, quæ ab eo fuerant iniuncta, contempsissent, omninò puniendos esse, nec eorum supplicium vllatenus vltà differendum. iubet igitur Diocletianus vt Iulius mittat milites qui omnes comprehendant, solo Caio Pontifice excepto. exequitur ille iussa, comprehensusq; omnibus, Claudium cum vxore Præpedigna & filijs Alexandro Cuthiaq; itemq; Maximum in exilium iussit deportari, & flammis concrematus, cineres apud Ostia Tiberina in fluentia iactari, duodecimo diè Kalendarum Martij, anno quinto suprà nonagesimum, post alterum Christianæ felicitatis sæculum; Susanna interim & Gabinio custodiæ mancipatis. Vbi verò quinque suprà quinquaginta dies ambo fuissent detenti, agit Diocletianus cum Serena Augusta, vt Susannam ad se perductam, eiusq; mente explorata, ad sua vota & ad nuptias cum Galerio ineundas flecteret; ductaq; itaque à militibus ad Palatium Susanna, eam ad eius pedes Augusta prostrata statim venerata est, eiuscemodi humilitatis officia Virgine rependente Regina, multis vltro citroq; pietatis obsequijs inter eandem intercedentibus; dumque per multos dies degeret in Palatio Susanna penes Augustam, nullum temporis momentum, ab orationibus, & diuinis laudibus vacuum intermisit, summa Regina iucunditate lætitiæque. sed Dio-

clerianus moræ longioris impatiens, mittit ad Serenam familiarem quendam suum Curtium, efflagitans ut quibuscunque modis posset, Susannæ connubium Galerij persuaderet; verum cum illa se nihil posse cum Deo deuota Virgine proficere iuxta suum votum respondisset, multo furore succensus Princeps, mandat Galerio, ut Susanna Palatinis ædibus extrusa, & in Gabinij patris domum reducta, vel vi illata, illius abuteretur pudicitia, sic denique dehonestatam ibi relinqueret, quod dum exequitur, digredienti Virgini, Augusta Diuinæ providentiæ tutelam est deprecata eandem; quæ priscæ quondam Susannæ innocentiam protexit & illustrauit. nocte consequenti Galerius Maximianus temeraturus virginis integritatem, iuxta Principis præceptum, irrupit in cubiculum, in quo Susanna consuetis precibus intenta Deo vacabat; sed ecce inter splendidissimos lucis radios, cernit Angelum è cælo lapsum, custodem ejus capiti excubantem. quare ingenti timore perterritus; ne attingere quidem illam ausus derelinquendo, citato cursu, pedem illius domo efferens, ad Palatium fuga sese recepit, & quod sibi contigerat enarrauit Augusto; qui factum magicis præstigijs tribuens, aduocat Curtium, eumq; ad Gabinij domum transmittit, imperat Virginem occultè subijciat quæstioni, & in contumacem leuè reluctantem animaduertat; paret ille, adit domum, virginem aggreditur. veruntamen insperato incertoq; timore perterritus, nec ibi diutiùs morari ausus, ab incepto desistens, rem deferat ad Principem, qui successibus ejuscemodi turbatus, Reginam adit; cum qua collatis multis, de religione Christiana, deque Christi aduentu,

ina.

inania hæc omnia esse contendens; Christianamq; religionem superstitionis arguens, cum nihilominus validis Augustæ rationibus resistere non posset, non sine pudore deuietus est. quare mutato sermone, quippè qui disertissimis rationibus à Christiana Heroïna allatis, omnino se cernebat imparem; cepit conqueri, quòd tanti illa non fuisset, ut Susannam ad nuptias cum Galerio contrahendas adigere valuisset. cui illa intrepida mente respondit: Elegit siquidem Susanna quod melius est, cuius rei idem filius tuus adoptiuus testis haberetur, qui cælesti fulgore eam ambiri, atque Angelica tutela custodiri non denegauit: itaque cum Imperator se frustra tempus terere cum Augusta videret, omninoq; sibi persuaderet, Susannam magicis artibus dementatam à coniugio Galerij abhorrere; dat negotium Macedonio, ad eius domum se conferat, omnimodèq; vel vi illata, & tormentorum, ac ipsius mortis interminatione, à cultu Christiano abstractam, occultè tamen, ne mansuetudo inquit nostra laboret inuidia, ad sacrificia Dijs offerenda adigar. peragit mandata Principis Macedonius; Gabinij domum ingreditur; Virginem conuenit, admovent tripodem; iubet ut thura Iouis simulacro ibi exposito offerat; illa genibus flexis eiusmodi preces effundit: Domine non videant oculi mei Daemonum thecas, sed consolare ancillam tuam: mox Iouis statua ab omnium oculis euanuit, quod ubi vidit Macedonius, amore auri quo simulacrum constabat, inculcat Virginè furivè, addum illa omni modestiâ faceret ingenuè iussu. Dei per Angelum illud ablatum fuisse, ne eius intuitu oculi sui polluerentur; quidam è famulatio Macedonij, nuntias Iouem

aureum in Platea ante Palatium Salustij iacere, cum
 Macedonius impia gentilium persuasione magicis arti-
 bus factum adscribens, iraque exandescens, manibus
 suis expoliata Virginem, fustibus cedit, diuinæ laudes
 ingeminantem, virgineq; magis ænimago illo, ut Idolis
 sacrificaret, illaq; semper constantius, & alacrius reuene-
 re; & post diuturnam pugnam, re infecta, Macedonius
 Imperatori renuntiat calum simulacri Iouis sublati, &
 confracti in Platea. Diocletianus igitur mandat, ut in-
 tra eiusdem domus parietes illa gladio percuteret, cuius
 ictu ad celestis Sponsi euolauit amplexus, tertio Iduum
 mensis Augusti. atque ita laureæ virginittatis, æternam
 martyrij coronam adiecit. quod ubi comperit Augusta
 Serena gaudens, noctu ad ædes pretioso Virginis cruore
 sacratas aduenit, eiusq; sacrum corpus proprijs manibus
 curauit, sanguinemq; ibi effusum, suo velamine exterfit.
 repositoq; in arca argentea intra penetralia Palatij, magna
 pietate adseruando, diu noctuq; furtiuis precibus dein-
 ceptis inibi perorauit. corpus porro S. Susannæ ipsa suis
 manibus, aromaribus delibutum, & linteis inuolutum, in
 crypta ad Sanctum Alexandrum, in arenario deposuit.
 Pontifex verò Caius ab eo die, quo Susanna percussa est,
 eandem domum, tanquam Deo verò sacram habuit, &
 pro eius commemoratione iugiter sacrificium obtulit
 incruentum. Hactenus ex actis S. Susannæ, verba aliqui immuta-
 tis, sensu semper eodem, sex palmas Valerias æternum
 virginitatis ramis in celum illatas expressimus, Claudium,
 Maximum, Prædignam cum filijs Alexandro, & Qui-
 thia, Susannamq; nobiles quidem illas, & præter Scri-

prorum industriam, purpureo sanguinis effusi paluda-
 mento per quam illustres, sed eiusmodi quæ quadrigæ
 mox subsequuntur, Valerij potiùs triumphi laureati præ-
 cursorores, & triumphalis apparatus ornamenta, quam ipsi
 triumphantes habendi videantur, cum posthac spectan-
 dus sit nobis ipse triumphalis apex, ijs prærogatiuis, qui-
 bus præmissa cohors felix incescit inferior nequaquam,
 si Scriptorum non desideraretur diligentia, sed præterea
 Regia, Sacerdotali, Pontificiaq; summa maiestate subli-
 mis, & quod ad exitum solidæ eminentiæ columen ac-
 cedit, Dux & author immortalis gloriæ, nobilitatisq; Va-
 leriz nunquam interitura. ij sunt Serena Augusta, cum
 Arthemio filia, Caiusq; ac Gabinius, quorum postremus
 tanquam Augustalis quadrigæ frons, adest nobis intuen-
 dus. eo ordine quo reliquos tres maturatæ felicitatis au-
 spicijs antecessit. Hic cura Caij fratris natu maioris, piè
 æquè atque liberaliter educatus, adulta ætate duxit vxor-
 em, huius ut reliquus vitæ cursus, ita nomen etiam
 ignoratur, haud tamen absimile verò creditur, eam &
 Illyricanæ sobolis, & Christianæ fuisse religionis. hac
 occasione facile mihi persuadeo Gabinium propria sibi
 domo constituta, à Caio cèlibem sacramq; vitam profi-
 tente, domesticæ curæ causa secessisse. ex vxore ei Susan-
 nam tantummodo natam exploratum habemus. cui
 diutiùs nequaquam matrè superuixisse certum est, Gabi-
 nium enim vxorio vineulo solutum, circa ea tempora,
 quibus Caius ad Pontificatum est assumptus, Presbyte-
 rali ordine initiatum fuisse, Scriptores testantur. quo vi-
 tæ statu arrepto egregiam operam Ecclesiæ Dei, fratriq;
 Pontifici, sacer Senator nauauit. nam cum literis & rara

eruditique excelleret, amenitatem ingenij præclaris exercuit laboribus; defensionum in primis & Apologiarum libròs pro Christiana religione, ut diximus euulgavit. fratris Pontificis indiuiduus comes; & laborum socius extitit assiduus. donec Claudij Maximiq; germanorum, necnon Susannæ filiae causa, iussu Diocletiani penali carceris horrore circumdatus fuit. in quo ut Romanum habet Martyrologium, diù in custodia afflictus, pretiosa morte, cæli gaudia comparauit; vndecimo Kalendas Martij anniuersariæ ipsius memoriæ dicato. post mortem filiae mense sexto, die octauo. Petrus de Natalibus à Caio fratre sepultum fuisse, est author. plura de tantò viro ex antiquitatis pelago expiscari non licuit; quantum tamen silentibus Scriptoribus, augeat meritò sublimis Ecclesiæ Senatoris pluribus alijs titulis præclarum nomen, magnumq; reddit; non minùs scriptis publicis tuendæ, quam proprio sanguine protegendæ religionis Christianæ studium & labor, quo primus ille ex Apostolico Romano Clero, zelo item & constantia Apostolica, bello ne fariæ inanium deorum superstitioni indicto, stylum eruditionis, contra impietatem contorsit; quod olim sub Antonino Principe Iustinus Philosophus, & sub Hadriano Aristides Atheniensium Episcopus, teste Hieronymo fuerant ausi. moxq; imitatione Gabinij, Arnobius Afer, & Minutius Felix aliq; præstiterunt.

Progressu temporis tam Gabinij, quàm Susannæ corpus in eorundem domum per Caium Pontificem statim à morte Virginis in Ecclesiam commutatam, translatum fuisse, constanti Scriptorum testimonio constat. ex qui-

bus

bus Pompeius Vgonius, qui antè aliquot annos, librum de sacris Vrbanis Stationibus edidit, antequam ea Ecclesia pietate verè Senatoria Hieronymi Cardinalis Rusticij regij splendoris ornamento decoraretur, eiusmodi inscriptionem, in Apside ipsius extitisse testatur.

OLIM PRESBYTERI GABINI FILIA FELIX
HIC SVSANNA IACET IN PACE PATRI SOCIATA

Hæc Ecclesia diuersis pridem nominibus est appellata, nimirum ad duas domos, item Sanctorum Gabinij & Susannæ, & demum S. Susannæ solius. diuersitatis causa fuit, eo quòd Gabinij domus proxima fuit domui Sancti Caij, quæ itidem vt ex actis retulimus, ab eodem Pontifice diuino cultui dicata fuit; hæc enim ibi leguntur: Caij Papæ domus Beati Gabinij domui iuncta est, atque ex illo tempore Christianorum statio deputata est in duabus domibus, vsque in hodiernum diem. ita ibi. vbi etiam describitur situs loci duarum domuum, iuxta vicum Mamuri ad Palatium Salustij, vt vidimus. nec solum statio ibidem decreta, sed vtrique Ecclesia in titulum Vrbis erecta fuit. hinc in antiquissimis monumentis, quæ seruantur in Archiueo Sanctæ Mariæ Transiberim, teste Alphonso Ciaccorte, sub Gelasio Primo Papa, anno Domini nonagesimo quarto supra quadrigentesimum, subscriptus inuenitur Asellus Presbyter Cardinalis Sanctorum Gabinij & Susannæ. Agatho item Presbyter tituli Sanctæ Susannæ, sicuti & Benedictus Presbyter tituli Sancti Caij. Seuerus item Presbyter tituli Sancti Caij. Ab huius Ecclesiæ titulo ad Pontificatum fuisse euectum

Leonem Tertium Pontificem, constat ex Anastasio, eundemq; Pontificem, collabentem dictam restituisse Ecclesiam; quod multis post annis Sixtus Quartus, & demum omnium prædecessorum munificentiam longè supergressus, Hieronymus Rusticucius, ætate nostra, effecerunt. at sicuti Gabinij domum post Leonem, Sixtumq; Pontifices, Rusticucij Cardinalis pietate magno Urbis ornamento stare videmus, ita Apostolico zelo Urbani Octavi, bono humani generis nato Caij sacros penates iniuria temporum excisos & omnibus ferè ignotos in antiquum splendorem cernimus assurgentes.

Ecclesiastico Senatori Gabinio, proximè accedit, Summi Sacerdotis Caij Pontificis maiestas, iam tertium supra decimum annum in supremo Christianæ religionis Magistratu exigentis, & ad immarcescibilem æternitatis coronam adproperantis. hoc vnum tamen illius splendori nubeculam aliquam opponit, quòd res eius gestæ, sicuti & Gabinij fratris, maxima ex parte, Pontificatu præsertim tam diuturno, penuria Scriptorum desiderantur, nam præter ea quæ ex actis Sanctorum Sebastiani & Susannæ delibauimus, nulla alia tanti Pontificis tredecim annorum interuallo Sacerdotio functi, vberiora monimenta nobis subministrat antiquitas. Virtutis ipsius eminentiam quanti fecerit Diocletianus, vel ex eo licet intelligere, quod extinctis Susannæ occasione, Claudio, Maximo, Præpedigna cum filiis, ipsaq; Susanna, ac eandem ob causam Gabinio terris ergastulis mancipato, illum quamuis omnium aliorum caput, & earum rerum quibus ira Principis in alios deszuierat, authorem, vetuerit nihilominus, vt ex actis allegatis vidimus, dum

Gabinium cum filia detinere in carcere mandaret, affici molestia : ex quo factum videtur, vt contrà Manicheorum sectam per ea tempora insurgentem, ipsomet fortasse Caio rem perurgente, idem Imperator ad Iulianum Africæ Proconsulem admodum seuerè contrà eosdem Manicheos rescriberet; quòd itidem viuo Caio nil publicis scriptis, more prædecessorum Principum in Christianos statuerit; etiam si ne ea tranquillitate quæ patruele Principe regnante frui potuisset, implacabilis, gentilizæ vanæ superstitionis Pontificum insectatio, absente plerunq; Diocletiano, ac bellis Orientalibus implicito, perpetuum ei, gregiq; suo negotium facesserit, & ad ipsa cryptarum latibula sæpè sæpius compulerit, in quibus ille angustijs minimè sibi ouiliq; suæ curæ commissi bono defuit. ibi enim de summa Reipublicæ Christianæ, tanquam in regijs comitijs, cum Clero, alijsq; Episcopis egisse, indefessum Christi Principem, Anastasius aliq; testantur. indè enim nobilem illam ad Felicem Episcopum Epistolam, quam ad calcem opusculi subiiciemus, de Christi humanitate, vt ex subscriptione consularium patet, extremo nempe sui Pontificatus anno perscripsit: in quibus Cryptis author libri de Romanis Pontificibus, Confessorem quieuisse fatetur. & licet tam hic author, quàm Anastasius, martyrio coronatum scribant, sicuti & Gabinium, non tamen id ita intelligendum censeo, vt violentæ manus cruciatu, vitam concluderit, verùm eo sensu, quo antiquitas pari honore martyrij decorare consueuerit eos, qui pro Christo sanguinem effudissent, ac illos qui aliquando pro confessione Christianæ legis affecti fuissent ærumnis atque mole-

stij; ita Eusebium Vercellensem, Felicem Nolanum, plurimosq; alios, alioqui quieto sine obdormiscentes, titulo martyrum Ecclesiastica tabulæ ad hanc usque diem insignes exhibent. præfuit Sanctus Pontifex Ecclesiæ, ex Baronij supputatione, annis tredecim, per menses quatuor, & quinque dies inchoatos, decimoq; Kalendis Maij triumphans adijt cælum; quamvis aliqui ad quintum decimum annum illum Pontificatum protraxisse contendant. contigit finis ipsius vitæ, extrema periodo tertij Christiani sæculi, quadriennio citius. corpus Cæmeterio Calixti in omne ævum innumeris Sanctorum Reliquiarum legionibus sacrosanctum, illatum, per mille trecentos & vigintiquatuor annos, intra illud conquævit; donec præcipuis Urbanis Italicisq; Ecclesijs, sacrorum eius cinerum possessionem sibi vindicantibus, Gregorio Quintodecimo Pontifice; iterum Romanis oculis sese spectandum præbuit, omni contentione dictarum Ecclesiarum prorsus extincta. rei ferrem, utpotè memoria dignissimam perstrinxisse; Valerij triumphis splendorem erit addidisse.

Incesserat animū Gregorij, omni ex parte religionis propagandæ, diuiniq; cultus ac Sanctorum venerationis adaugendæ, si ea quæ Triennali fermè Pontificatu peregerit, examinaverimus, omninò admiranda cupido, indè dum mentis suæ motus exequendos delectis, ad id demandat ministris, sacra Urbis, & suburbana Cæmeteria, Sanctorumq; corpora, & reliquias in illis quiescentia, Petro Paulo Cardinali Crescentio, tituli Sanctorum Nerei & Achillei, Episcopo Urbevetano inuisendi, recognoscendiq; prouintiam demandat; hic in adcò pij, sed niul-

tum laboris, & assiduitatis requirentis operis cōsortium, Iacobum germanū suum, Abbatem Nursinū, virum præter vetustissimæ familiæ splendorem, morum integritatem, nulli inter sacros aulæ Romanæ proceres secundo, à teneris nimirum annis, ab æui nostri illustrissimo sanctitatis sydere, Philippo Nerio ad omnem pietatem efformatum adscissit. haud absimili ratione ab ea, qua olim Angelicus Doctor, Seraphicum Bonaventuram, Sancti Francisci vitæ describendæ intentum cum inuenisset, sinendum sanctum pro sancto laborare pronuntiauit. Is ea qua erga eiusmodi labores indefessa fertur auditate, dum subterranearum crepidinum subeundarum pericis, alijsq; pijs adscitis socijs, Calixtiana sepulchra multis à retro sæculis inaccesa, per vliginosas caueas, æternis tenebris deuoras, foraminaq; vix cubitalia aliquando, decidētis arenæ subindè tumulis obstructa, plerūq; reprando serpēdoq; pia patiētia, labores vix alteri tolerabiles, amabiliōres indies efficiente, perscrutatur, facula iugiter resecta præeunte, & maxima sacrorum reliquiarum conquisitione, inuisit; aliquando cum post totius fermè diei laborem, ex infimis illis spelæis, auræ captandæ gratia, egressus, pensum Sacerdotalium præcum in campo inter Basilicam S. Sebastiani, & Pauli, sacris sepulchris imminenti, constitisset persoluturus; animaduertissetq; exoluedas occurrere vespertinas horas peruigilij diei Sancto Caio dicati; oculos ad cælum atollens: Utinam inquit Sanctissime Pontifex cuius inueniendarum reliquiarum desiderio iam pridem ardeo; hac die, qua cum vniuerso Orbe Christiano, triumphalem tuam recolo memoriam, meis benignus votis adesses, quam præclarè cum quali-

bus-

buscunque laboribus, auctoritate tui successoris à me lubentissimè susceptis, actum putarem. ijs ita non minùs animo quam voce conceptis, instàtibz tenebris domum sese recipit; totamq; noctem, pio desiderio Caij visendi transegit. vix dies illuxerat, adest à Stefano Figino ex Benedicti familia Perillustri, & Basilicæ Sancti Pauli primate, quem pridie Vrbem petens Crescentius operarijs præfectum reliquerat, missus vir, cubantiq; adhuc Abbati nuntiat, pridiano vespere, statim ab eius digressu, sepulchrum Caij Pontificis detectum. ille sumptis propere vestibus, alacritatis alis ad optatum locum accurrit: cernit in latere Cryptæ, repurgatis arenis quibus obruebatur, sepulchrum in arenaria tellure tempestatis illius more extructum, opere latericio munitum, plumbiq; fusilis ferrumine compactum, quo iuncturæ genere nullam sepulchralem vrbem antea viderat solidatam. media in lateritia tabula eiusmodi nota palmaribus litteris excisa videbatur, subsequente signo rami palmæ & Christi nominis.

CAIO. PP.  

Venerabundus itaque genibus humi positis cum adstantibus, precibus quas tempus, & loci pietas suggererat, piè pro gratiarum actione effusis Crescentius, lateritia illa munimenta, summa diligentia referat; inuenit humani corporis ossibus integris compagem, supino situ iacentem, indice digito dextræ manus, anulum ex aurichalcho, Pontificium insigne, pro illorum temporum

pia

piâ modestia, retinentem; aliquotq; æreos numos cum Diocletiani effigie, temporis absque dubio indices, intra corpus extantes. quibus omnibus decenti cura, cum aliquot alijs sacris corporibus collectis, & ad Urbem allatis, res vulgata Gregorium magno affecit gaudio, tantarum æquè reliquiarum inuentione, ac diei, & ordinis, quo res successerat, non absque miraculi nota memoranda obseruatione. Verùm cum eo ipso tempore Serenissimæ Gonzagæ familiæ soboles eximia, Aloysius Dynasta Castilionensis oppidi, Romani Princeps Imperij, excitaturus in eodem oppido templum memoriæ patris sui, prærogatiuis Angelicæ puritatis antè triginta quinque annos, in sacro cætu Societatis Iesu, toto terrarum Orbe insigni, iam verò beatorum titulo in cælo lætantis Aloysij, ab Gregorio Pontifice aliquas insigniores Sanctorum Reliquias, nouo templo ornando, muniendoq; ex Christiano instituto, per Alphonsum Gonzagam Rhodiensem Archiepiscopum flagitaret, Caium nuper luci redditum, inter Romanos Pontifices Angelica puritate, antiquitatis testimonio celeberrimum, purissimi adolescentis illati nuper cælo templum illustraturum, Pontificia benignitate, atque auctoritate concessum obtinuit. ea tamen sorte, vt sicuti Romanæ Ecclesiæ Romani Præsulis, exigua licet pars Romæ fuerit referuata, sic & Illyricani generis infimo, Illyricani patris, molaris dēs omni gaza pretiosior mihi perpetuò colendus, cum vno ex memoratis numis denegatus non fuit. vt scias Lector me vel tanti thesauri augmēto, & imaginibus, & scriptis pagellis, Valeriæ nobilitatis, Christinis & oculis, & auribus exponendæ, explicandæq; fuisse debitore legitime cōstitutum.

Spe-

Spectata iam fronte triumphalis Quadrigæ Valeriæ ,
 in Gabinij Sacerdotis, & Pontificis Caij maiestate; postre-
 mæ eius parti, purpuris Augustalibus præfulgenti, ex
 Serenæ, & Arthemii eius ac Diocletiani filiæ pietate,
 oculos adinuenire liceat. Serenam igitur Imperator, ubi
 & Christianam & Christianæ religionis cōstantissimam
 patronam, vt ex actis S. Susannæ cognouimus animad-
 uertisset, & fortassis etiam patruelium ac nepotum Ianie-
 na, exterminio Valeriæ gentis, animum pupugisset, spre-
 tis gentilium suggestionibus, æquior Christianis effici-
 tur. accessit ad hæc insigne illud beneficium quo Arthe-
 miam vnicam filiulam à malo Dæmone obsessam, opera
 Cyriaci Romanæ Ecclesiæ Card. Diaconi sanitati resti-
 tutam, Christianæ pietati acceptam referebat, vt suo lo-
 co dicemus. quomobrem vt habent acta Marcelli Papæ
 Diocletianus cepit benè habere Cyriacum, cui & domū
 donauit, præcipiendo vt securus viueret in Vrbe, rem-
 totam eadem Serena curante. cui idem Imperator cum
 paulò post à Sapore Rege Persarum requireretur, vt Cy-
 riacum curandæ filiæ suæ ab eodem malo Dæmone exa-
 gitatæ, transmitteret, Cyriaci pro dignitate expediendi,
 necessarijsq; omnibus ornandi, negotium demandauit.
 vt mirum omninò videatur Principi adeò grato erga
 Cyriacum, de filia sua benemeritum, ingrati animi no-
 iam inuri, quod Sanctum Virum ob nescio quam filiam,
 eius precibus Dæmonis obsessu liberatam, indignissima
 morte confecisse dicatur. præsertim cum eo tempore
 quo Virus in Lucana Martyrium subiit, ¹¹ Diocletianus
 Nicomediæ ageret Imperium depositurus, vel illo fortè
 iam deposito. vt ex Annalibus Ecclesiasticis est videre.

qui

quinimò ita Diocletianus interdum Christianorum rebus fauebat, ut ij ubiq; satis quietè agerent, Ecclesias extruerent, Concilia cogerent, totoq; terrarum Orbe dilatarentur. quæ rerum tranquillitas perdurauit ad vnde vigesimum Imperij Diocletiani annû, maximo rei Christianæ incremento, Serena Augusta Principis animum ad piorum fauorem serenante. etenim præter ea quæ superius ex Eusebio retulimus, Nicophorus Calixtus, Libri Septimi, Capite Secundo, hæc eiusdem fermè Eusebianis verbis habet, dum Diocletiani regnantis æuum describit: Erat, inquit, tempus cum Christiana professio pulchrè staret, gloriaq; sua & libertate clara haberetur; Græcis iuxta & Barbaris. quòd diuini verbi prædicatio ubiq; terrarum vigeret grata & accepta; huiusce rei documenta, certa sunt, cum magnorum Principum erga homines nostros egregia beneuolentia & humanitas, ac gentes quædam, quarum prouinciæ Christianis administrandæ datæ sunt, tum Imperatores ipsi Romani, & maximi quique magistratus, qui res aulicas, & domesticas suas, nostris curandas commiserunt; eos quippè propter egregiam spectatamq; fidem præesse alijs, atque honore, dignitateq; præcellere oportere iudicarunt; satis idem declarauit Dorotheus ille qui neminem honore ex magistratibus, & præfectis omnibus propter bonæ mentis integritatem, & fidem, habuit parem; præclarus Gorgonius, atque alij eis pares. qui etiam ad supremum celestis regni honorem sunt assumpti, propter fidei sinceritatem; ac per eiusmodi viros in locis passim quibusq; Ecclesiarum Antistitibus non parum accidit opis, & consolationis; ostendunt id quoq; plurimorum millium ho-

minum, Oratorijs, domibus, Cetus & Conuentus habitum, quæ oratoria cum propter angustiam confluentem tantam multitudinem non caperent, cernere erat ex paruis iugis, & fundamentis, in angusta amplitudine, & magnitudine admiranda in locis omnibus excitari atque construi templa; quæ ipsa temporis processu deinde incrementa quoque ampliora capere, cum qui ea ædificari atque augeri prohiberet, aut per fascinantem inuidiam aboleret, nemo esset; sic ea cælestis manus custodiuit, atque extra insidiarum omnium aleam esse voluit. hætenus ille.

Quid porrò in causa fuerit, cur antè vltimum Imperij annum Diocletianus animum hætenus in Christianos benignum, in acerbissimam supramodum contra eosdem insectationem commutaret, tum ex eodem Eusebio, & Nicephoro, tum ex alijs est facile cognoscere. Eusebius Libri Octavi, Capite Primo & Secundo, quem Nicephorus iisdem fere verbis refert, aperte causam assignat, dum ita ait Verum cum nos præ nimia quadam licentia, in molitiem delicatam, & dissolutam segnitiam essemus prolapsi, cumque alij alijs inuidere, maledictis insectari, & propè nos ipsi nos petulantibus linguis, tãquam mutuis armis oppugnare, & casu aliquando verborum contumelias, velut hastas, vnus in alium contorquere, & Præsides Ecclesiarum alter alterius vires infringere, & populus in populum seditionem concitare inciperent, cumque ficta & adumbrata sanctitatis species, quæ oratione nequit exprimi, & simulatio fronte occultata, ad immensam quandam prauitatem serpsisset, diuina vltio, dum per magna adhuc Christianorum ubiq;

verfabatur frequentia, parcius aliquando, remissius, &
 modestius, ut solet, primo persecutione ex fratribus qui
 militiam exercebant inchoata, cepit in nos animaduer-
 tere. sed ubi veluti sensibus orbati, & perstricti mente,
 nulla cura aut cogitatione incubuimus, ut diuinum nu-
 men in nos infensum, beneuolum & placatum efficere-
 mus, sed tanquam impij nostras res a Deo, noc curari,
 nec animaduerti arbitrati, alia vitia, alijs acruatim
 adiecit; & pastores nostri depulsa repudiatq; piete-
 tis regula, dissidio & contemptione inter se exarserunt,
 quin etiam nullas alias res præterquam discordias, mi-
 nas, emulationem, inimicitias, & odium inter ipsos mu-
 tuo adaugere studuerunt, & animis ambitionis æstu in-
 census, Tyrannorum more principatum obtinere labo-
 rarunt, tunc demum iuxta Ieremiæ sententiam: Quo-
 modo obtegit caligine in furore suo Dominus filiati-
 onem, proiecit de cælo in terram inclitam Israel, &c. & Li-
 bri Sexti, Capite Secundo: Verum non est nostrum ora-
 tione describere tristes illas calamitates, quæ ad extremum
 inuectæ fuerunt; quandoquidem, neque discordias antè
 persecutionem inter eos commotas, neque absurdos, &
 importunos conatus, nostrarum partium esse putamus
 memoriæ commendare; quo circa nihil amplius de illis
 scriptis prodece decreuimus, quam vnde iustum Dei iu-
 dicium in illos declamatum, perspicue probare possemus.
 hæc Eusebius; causam eladis in turpissimos, ut arbitra-
 batur Christianorum mores rejiciens, qui paulo post ad-
 dit etiam insidias Christianorum detectas tunc temporis
 in Imperatores his verbis: Cum alij in Melitina; alij
 rursus in Syria Imperio insidias parare molirentur, edi-

Etum Imperatorum exijt, vt omnes Ecclesiarum Præfides, vt potè ea de re suspecti, in carceres & vincula conijcerentur. hæc ille. qui paulò post etiam affirmat factum eiusmodi: Cum Regia Nicomediensis in qua tunc temporis Imperator agebat, incendio conflagrasset, & ex suspitione quadam rumor esset dissipatus illud facinus à nostris esse admissum, Imperatorem supra modum in Christianos exarsisse. ita ille. Sed & ipsi quidem Imperatores publicis monumentis, professi sunt palàm Christianos tanquam Reipublicæ euersores delere se studuisse. extat Clunię in Hispania ad hanc usque diem inane trophæum, columna cum inscriptione, quam ipse quoque Cardinalis Baronius suis Annalibus inseruit, sententiæ eiusmodi.

DIOCLETIAN: IOVIVS, MAXIMI HERCVLEVS
CÆSS. AVGG. AMPLIFICATO PER ORIENTEM,
ET OCCID. IMPE. ROM. ET NOMINE CHRISTIA-
NORVM DELETO QVI REMP. EVERTEBANT.

Ex quibus constat, politici boni studio, ne dicam odio in religionem Christianam, Diocletianum diram cladem intendisse contra Christianos, spatio quatuordecim mensium: cum Eusebius ponat initium eius anno decimono Imperij Diocletiani, mense Dystro hoc est Martio, deposueritq; Imperium Princeps anno vigesimo nodum exacto, Kalendis Maij ex Baroni sententia. qui notat: cum Senatus Romanus decreuisset persecutionem contra Christianos, acclamante populo in Circo, vt Christiani bestijs subijcerentur, Diocletianum censuisse: Vanas po-

puli

puli voces minimè audiendas. cumq; Gentilium rabies Christianorum corpora contenderet nequaquam humari debere: Imperatorem rescripsisse: Obnoxios criminū digno supplicio subiectos, sepulturæ tradi non vetare. Et quidem si non nisi politico studio Diocletianus Christianos esset infectatus, vt aliqui aiunt, nec Serenæ coniugi, nec Arthemiz filiz, liberè Christianam pietatem profitentibus pepercisset. at veramq; abdicationi ipsius ab Imperio superuixisse absque vlla molestia, ex actis S. Marcelli Papæ satis perspicuum est. sed iam ad Serenam redeamus, quàm cum sciamus secessui mariti fuisse superstitem, facile credere possumus illam à Deo reservatam fuisse ad faustissima tēpora, vt ipsa quæ Christianorum, & in ijs sanguine & affinitate sibi iunctorum, tot funera spectauerat, præmio inuictæ constantiz, sceptris Romani Imperij regendis, admotum spectare posset parente Christiana, suæ gentis Illyricæ Principem Cōstantinum, qui paulò post calcata gentilium impietate, Christianæ libertatis vindex, & Ecclesiasticæ maiestatis assertor, felicissimorumq; sæculorum instaurator esset futurus. at quo certo anno ad æternitatis præmia euolauerit, omnino est incòpertum. quicquid dicat Petrus de Natalibus. hoc certum post mariti Imperium, multo gloriosius illà de impia eius superstitione, quam illum de tot deuictis gentibus triumphasse, ac proindè tranquilliorē, quietem assecutam. extat dies anniuersaria ipsius, tabulis Ecclesiasticis adscripta, sequenti luce, qua immortalium Reginam ad immortalitatis thronum euectam, Christianus Orbis vniuersali lætatur applausu, decimoséptimo nimirum Kalendis Septembris, vt iure meritò huic

Etum Imperatorum exijt, vt omnes Ecclesiarum Præfides, vtpotè ea de re suspecti, in carceres & vincula conijcerentur. hæc ille. qui paulò post etiam affirmat factum eiusmodi: Cum Regia Nicomediensis in quantum temporis Imperator agebat, incendio conflagrasset, & ex suspitione quadam rumor esset dissipatus illud facinus à nostris esse admissum, Imperatorem supra modum in Christianos exarsisse. ita ille. Sed & ipsi quidem Imperatores publicis monumentis, professi sunt palam Christianos tanquam Reipublicæ euerlores delere se studuisse: extat Cluniæ in Hispania ad hanc usque diem inane trophæum, columna cum inscriptione, quam ipse quoque Cardinalis Baronius suis Annalibus inseruit, sententiæ eiusmodi.

DIOCLETIAN: IOVIVS, MAXIMI HERCVLEVS
CÆSS. AVGG. AMPLIFICATO PER ORIENTEM,
ET OCCID. IMPE. ROM. ET NOMINE CHRISTIA-
NORVM DELETO QVI REMP. EVERTEBANT.

Ex quibus constat, politici boni studio, ne dicam odio in religionem Christianam, Diocletianum diram cladem intendisse contra Christianos, spatio quatuordecim mensium. cum Eusebius ponat initium eius anno decimonono Imperij Diocletiani, mense Dystro hoc est Martio, deposueritq; Imperium Princeps anno vigesimo nodum exacto, Kalendis Maij ex Baroni sententia. qui notat: cum Senatus Romanus decreuisset persecutionem contra Christianos, acclamante populo in Circo, vt Christiani bestijs subijcerentur, Diocletianum censuisse: Vanas po-

puli

puli voces minimè audiendas . cumq; Gentilium rabies Christianorum corpora contenderet nequaquam humari debere : Imperatorem rescripsisse : Obnoxios criminū digno supplicio subiectos, sepulturæ tradi non vetare . Et quidem si non nisi politico studio Dioclerianus Christianos esset infectatus , vt aliqui aiunt, nec Serenæ coniugi , nec Arthemix filix, liberè Christianam pietatem profitentibus pepercisset. at vtramq; abdicationi ipsius ab Imperio superuixisse absque vlla molestia , ex actis S. Marcelli Papæ satis perspicuum est . sed iam ad Serenam redeamus , quàm cum sciamus secessui mariti fuisse superstitem , facile credere possumus illam à Deo reseruatam fuisse ad faustissima tēpora, vt ipsa quæ Christianorum , & in ijs sanguine & affinitate sibi iunctorum , tot funera spectauerat , præmio inuictæ constantiæ , sceptris Romani Imperij regendis , admotum spectare posset parente Christiana, suæ gentis Illyricæ Principem Cōstantinum, qui paulò post calcata gentilium impietate , Christianæ libertatis vindex, & Ecclesiasticæ maiestatis assertor , felicissimorumq; sæculorum instaurator esset futurus . at quo certo anno ad æternitatis præmia euolauerit, omnino est incōpertum . quicquid dicat Petrus de Natalibus. hoc certum post mariti Imperium , multo gloriosius illā de impia eius superstitione , quam illum de tot deuictis gentibus triumphasse , ac proindè tranquilliozem , quietem assecutam . extat dies anniuersaria ipsius, tabulis Ecclesiasticis adscripta , sequenti luce , qua immortalum Reginam ad immortalitatis thronum euectam, Christianus Orbis vniuersali lætatur applausu , decimoséptimo nimirum Kalendis Septembris , vt iure meritò huic

loco quadret Regij Vatis oraculum. Adducentur Regi virgines post eam: Proximæ eius afferentur tibi.

Claudit agmen triumphalis currus, ipsamq; Valerij triumpho pompam, ætate Valerij omnibus, ordineq; postrema, liliorum candore, & rosarum suauitate, immarcescibili corona sedimta, digna omnino cuius eximia virtute nobilitas hætenus in Orbe Christiano nullatenus visa, concludatur, Arthemio Diocletiano Augusto Serenæq; Augusta prognata. eam adolescentulam cum preces & lachrymæ piæ parentis, vnicæ filiæ salutis inhiantis, paternæ impietati, & sororiz conditioni infelicitissimæ subtrahere conarentur, humani generis hostis antiquus, maternorum viscerum pietatem elusus, virgineum inuasus corpusculum, furialiq; præsidio circumseptum, vindicat sibi, paulò post Deo dicendum relicturus. inopinatæ rei casu Diocletianus horrendum in modum perterritus, aliquandiu præ nimio mærore ipso cibo, tota die abstinuit. at cum nullum finem faceret inquirendi remedia; quibus filiam salutis pristinæ restitueret, contigit vt eo prorsus tempore, inter Christianos quos Maximianus Herculus ex Africa rediens, vt habet acta Marcelli Papæ, ædificio Thermarum Romanarum, Diocletiano nomini dicandarum damnauerat, Cyriacus Romanæ Ecclesiæ Diaconus, cum Largo, & Smaragdo, pietate haberentur insignes; quippè qui facultatibus sibi à Thrasonè admodum pio viro, & opum Maximi tribuni suæ Comitris, secreto dispensatore, vt dictum est, attributis, laborantium Christianorum in Thermis, inopiam & inediam subleuabant; cuius rei causa carceribus mancipati, iam pridem longa detinebantur custodia; ad quos

breui

breui tempore cepit fieri concursus ingens Christianorum quocunque morbo oppressorum, præsertim verò ad Cyriacum, diuina ope ægrotudines eorum curantem. quadam ergo die dum tartarea lucēs puellare corpus quod infederat, insuetis cruciatibus affligeret, idq; Diocletiano nunciatum esset, accessit pater ad filie cubiculum, infelicitatis eiusdem conditionem miseratus: quo præsentē tartareus Satanæ satelles per os puellæ cepit clamitare: se ex illo corpore nunquam egressurum, nisi veniret Cyriacus Diaconus. eum igitur iussu Imperatoris conquisitum, & è carceribus eductum, rogat Diocletianus ipse vt ad Arthemiam opem laturus accedat, ad quam cum intrasset, hisce verbis Dæmonem affatus est: In nomine Domini Iesu Christi Crucifixi exi, vt vas mundum efficiatur superuenienti Spiritui sancto hæc puella. ipsi verò: Crede, inquit, filia, crede in Deum Patrem omnipotentem, & in Iesum Christum Filium eius vnicum Dominum nostrum: ad hæc illa magnis vocibus exclamat Dæmone impellente: O Cyriace si hinc me eijs, ego te in Perfidem vsque compellam. porrò Cyriacus magis perfidie colubrum vrgens, easdem voces ingeminat: In nomine Domini nostri Iesu Christi exi: quibus exire compulsus, Arthemia statim in eiusmodi voces prorupit: Per ipsum nomen te adiuro: O Cyriace vt me baptizes, quia video procul Dominum, quem tu prædicās; & quia foris allusione Dæmonis humi strata iacebat, adnitentibus Largo, & Smaragdo Cyriaci socijs, eleuatur à terra; requitq; ei concessa eo die, sequenti luce ex Christiano insuturo, Cyriacus puellam Christianam legem edocuit, mox allatam aquam cum ritè sacraisset, præsentē

Serena

Serena Augusta matre, illam lauacro Christiano expiauit, maximo eiusdem matris gaudio. quæ ab eo die in posterum, iugiter expiatæ recenter filia, illud repetebat, ut nimirum Christianam religionem amaret. Diocletianus inperata filia salute cognita, Cyriacum & socios omnimodæ libertati asseruit, signoq; grati animi, eidem de filia sua optimè merito, domum in Vrbe non longè à Valerij ædibus assignatam donauit; multisq; alijs beneficijs in dies Serena Augusta pietatem Christianam promouente auxit. contigit Arthemiz salutare lauacrum, circa annum Imperij Diocletiani Principi decimum septimum. post triumphum Caij Pontificis aliorumq; eius domesticorum anno quarto. Christiana verò felicitatis exortæ trecentessimum, fatali felicitate tertio sæculo concluso. ex quo tempore Arthemia in sinu, & sub educatione sanctissimæ matris tantum profecit, quantum vitæ eius gloriosa martyrij constantia præclarus exitus comprobauit. interea temporis cum iam tertius annus post Augustalem Virginem saluti mentis æquè ac corporis restitutam ad finem accederet, adest nuntius à Persarum Rege Sapore, cum litteris ad Diocletianum quibus summo opere Imperatorem deprecabatur, ut Cyriacum Diaconum ad se in Persidem, pro cura filia lobia à Demone cruciatæ transmitteret. Princeps verò cum eo tempore longè ab Vrbe abesset, Serenæ Augustæ Romæ cum filia agenti, negotium Cyriaci in Persidem pro voto Regis, & legatorum mittendi committit. illa significata voluntate mariti Cyriaco, in nomineq; Domini iter aggredientem, eundem cum socijs Largo & Smaragdo, naui, vehiculis, cæterisq; necessarijs rebus instructum Christiana libera-

litate,

litato, destinat ad Saporem, apud quem re feliciter succedente, breui inde Romam reuertitur. Quem Diocletianus redeuntem magno honore affecit. Serenia verò cum filia ingenti alacritate in domibus eidem iam ab Imperatore donatis excepere. nec multo post, duobus nempe mensibus expletis, Diocletianus vigesimum Imperij annum agens, cum summo quietis otijq; desiderio teneretur, ut plures scribunt idcircoq; iam pridem amplissimas aedes, omni Regia magnificentia, in Dalmatia, altero ferme milliaro propè Salonas, secessui suo præparasset, nulla senectutis urgente molestia, regni habenas Nicomediae deposuit, inque priuata vitâ ad litus natalis soli secessit. Constat quippe eum, qui multis antea annis palatium quieti suæ ea maiestate, qua maxima ex parte nobilissimum terrarum Orbis ædificium ætate nostra à Spalatensi Vrbi menia præstat, admiranda, curauerat extrui, quietis desiderio, & illarum miseriarum quibus Principes irretiri inenitabiliter, ipse conqueri dolereq; consueuerat declinandarum grâtiâ, quod nullus Principum ad hanc diem est ausus, id perfecisse. scribit enim Flavius Vopiscus in Aureliano, patrem suum ab ipsomet Diocletiano audiuisse dolente. Nihil esse difficilius quam benè imperare, quatuor enim vel quinque colligi dicebat Diocletianus, qui vnum consilium ad decipiendum Imperatorem capiunt: dicunt quid probandum sit; Imperator qui domi clausus est, vera non nouit, cogitur hæc tantum scire quod illi loquuntur, facit Iudices quos fieri non oportet, amouet à Republica, quos debet retinere, quid multa aiebat ipse, bonus, cautus, optimus, venditur Imperator. hæc Diocletianus adhuc

privatus teste Vopisco. vnde privatæ vitæ desiderio eum flagrasse minimè mirum, vtpotè qui vicennali Regni spatio, bonorum Principum vix alio quam eo quo ille consilio, virandum fuerat expertus infortunium. hinc cum per decem annos integros rusticando summa vitamq; tranquillitate residuum vitæ transigeret, omnibus Imperij curis abdicatis, nec legationibus Prouinciarum, nec ipsius Romani Senatus, nec Collegæ qui cum ipso regnum deposuerat, iteratis precibus sollicitatus, adduci vnquam potuit vt Imperiû resûmendo, votis eorum acquiesceret, illud subindè repetèdo, se satis Reipublicæ in seruisse, & vt ait Póponius Lætus: Nolle se amplius vènera liberare. Et tûc primû sibi Soles affuisse eû in patria manu sua olera comedenda sibi, serere cèpisset. hinc iure merito Orbis & Urbis felicitas S.D.N. Urbanus dñi antè summû Pontificatû rusticanis secessibus honestissimis indulgendo, iucundissima Musarû familiaritate oblectaretur; ad amicum quem rusticatum inuitabat, hæc de Diocletiano, mellifluo suo carmine cecinit.

*Quem sæpè victis hostibus, inclyto
Romani triumpho, viderat inuehi,
Ostroq; præfulgentem, & auro,
Dalmaticis Dioclen in Hortis;*

*Fastidientem mania Romuli,
Vidit, iuuentus Martia Tybridis,
Mirata privatum, superbos
Imperij possuisse fascos.*

Diocletiano in otium sese recipienti, sicuti & Maximiano Collegæ, adoptati pridem Cæsares & successores, ab illo Galerius Maximianus, ab hoc Constantius Chlorus Illyricorum indigenæ, vt Victor ait, libera imperandi autoritate, sed magna morum diuersitate succedunt. quantum enim Constantius erga omnes benignum sese ac humanum exhibuit Principē, tantum Galerius, Christianis insensus in primis, sanguinarium se contra illos per omnia gessit, vt nec ab vnica Diocletiani filia Arthemiz sanguine, viuentē Diocletiano patre manus abstinere voluerit. præcipua deserviendi in Virginem illi causa fuisse videtur, quod nullo modo ferrē posset Christianam pietatem studio Cyriaci Diaconi, per libertatem vt dictū est à Diocletiano eidem concessā, & Arthemiz Virginis Augustalis generis exemplo, dilatari, atque illustrari. propterea enim vt narratur in actis Marcelli, Maximianus Augustus præcipit, vt Christiani ubicunque fuissent punirentur, & zelo ductus propter sororem suam Arthemiam, misit ac tenuit Cyriacum Diaconū. ita ibi. primò itaq; illum post diros cruciatus, cum quibusdam alijs morte multauit, mox ipsam quoque Arthemiam, non multo antè sanctissimæ parentis Serenæ patrocinio orbatam, cum nullatenus à Christiana pietate colenda posset abducere, ingratus frater, capite truncatam, celo, terrisq; reddidit illustrissimam. at eiusmodi immanitas breui tempore, magno illi stetit. eas enim pēnas, ab Eusebio fusè descriptas totius Orbis admiratione, ab irato Deo in corpus eius immissas, persoluit, quibus volens nolens, damnatam à se, & omni seueritate exagitata Christianam religionem, lege lata publicè approbauerit,

scelerisq; sui atrocitate detestata, vitam & regnum in-
 randum in modum amiserit. ut Christianam gloriam,
 quam trecentorum annorum spatio Ethnicorum Prin-
 cipum violenta contulcat, & excindere frustra stude-
 rat authoritas; Arthemiz sanguis tanquam alterius in-
 nocentis Abelis vocem ad Deum emittens, ex ipsius Ty-
 rannicæ impietatis ore, legibus publicis approbatam, ex-
 torserit: comprobata veritate diuini illius oraculi, Nul-
 lum esse consilium, nullam sapientiam contra Dominum;
 Arthemiz corpus Marcellus Pontifex, & Lucina pietatis
 inclytæ femina; iuxta Susannæ reliquias condiderunt.
 unde multo post tempore, ad Ecclesiam Sancti Syluestri
 in Campo Martio, à Dionysio Primo Pontifice, ut fertur
 cõditam, à Paulo I. auctam, translaturum, ibidem hæcenus
 requiescit. contigit Arthemiz triumphus circa extrema
 Marcelli Papæ tempora; octauo fortè anno suprà trecent-
 esimum instauratæ salutis annum; ferituro Galerij con-
 tra Christianos, eiq; suæ gentis, exercitæ nobilem; ac
 proinde Illyricæ Ecclesiæ clarum in paucis. eo enim de-
 currente, præter Arthemiam, præstantissimos Præsules,
 proprio sanguine purpuratos, tanquam Valerij triumpho
 affeclas; Quirinum Sciscia; Felicem Salonarum, Arcneum
 Sirinij, Principum Urbium totius Illyrici; nec non nobilissi-
 mos Christi milites Vrsicum, & Alexandrũ, Monasticæq;
 vitæ & professionis in Orbe Christiano ¹⁴ authorem,
 & parentem Sirenum; saluente Galerio, celo dederunt
 Illyrici. Dies natalis Virginis, idem cum anniuersaria
 memoria Cyriaci Diaconi & sociorũ, sexto idus Augusti
 recensebatur, cum re vera, decimã septimã die Kalendarum
 Aprilis, mortalitatem in immortalitatem commutari in-
 co-

53
S. CAII PAPAE
EPISTOLA

AD FELICEM EPISCOPVM.

*De accusatoribus. De Diuinitate, ac vera Humanitate Christi.
De ordinatione Episcoporum, ac diuisione magnarum
Vrbium in regiones. De Quaestionibus difficilio-
ribus ad Sedem Apostolicam referendis.*

Dilectissimo Fratri Felici Caius.



IRECTAS ad nos tuæ charitatis
epistolas plenas catholicæ inqui-
sitionis sollicitudine grater accipi-
mus, benedicentes Domini nostri
clementiam, qui tales ab extremis
mundi partibus dignatur suis ou-
ibus prouidere pastores, per quos &
pascuis valeant salutaribus abundare, & ab iniqui lupi ra-
pacitate seruari, vt insidias nequeant eius subreptionis
incurrere. Vnde certum est, quia promissæ vos bea-
titudinis gratia subsequatur, quando a vobis celestium
perfectio doctrinarum tam votiua sciscitatione perquiri-
tur. Scriptum est enim: Beati qui perscrutantur testi-
monia eius, & in toto corde exquirunt eum. Hoc ergo,
frater charissime, propositum tuæ consultationis tota
mente tractantes de te quoque prouenire confidimus, qui

regu-

regulam catholicæ fidei ipsdem studeo tenere vestigijs, quibus eam in Apostolicâ sede cognoscis esse fundatam. & quamvis sonus eorum toto Orbe diffusus, & usque ad fines Orbis verba eorum dissentia, dilectionis tuæ corda Christo probauerunt esse fidelia, tamen si quid ex his in Ecclesia, quæ tuæ gubernationi, Domino auxiliante, commissa est, nec dum plena luce claruerit, ad eundem fontem, de quo illa salutaris manarat lympha, recurritis, id est, quod debita charitate sumus amplexi, quia fiducialiter de his, vnde obseruationem esse dixistis ambiguum, nostra voluistis responsione firmari. Quapropter dilectionem tuam in Domino salutantes, de singulis, quid iuxta catholicam disciplinam teneat Apostolicæ sedis auctoritas, subiectis aliquibus etiam sanctarum capitulis regularum te credimus instruendum.

Primo quidem scias, Paganos, & hæreticos non posse Christianos accusare, aut vocem eis infamationis asserre.

Deinde: Nemo vnquam Episcopum apud Iudices seculares, aut alios Clericos accusare præsumat.

Et si quis Episcopus, Presbyter, aut Diaconus, vel quilibet Clerici apud Episcopos, (quia alibi non oportet à qualibet persona, quæ ritè recipiēda est) fuerint accusati, quicūq; fuerint, siuè ille fuerit sublimis vir honoris, siuè alterius dignitatis, qui hoc genus illaudabilis intectionis arripuerit, nouerit probationis documēta se debere inferre.

Si quis ergo circa huiusmodi personas non probanda detulerit, auctoritate huius sanctionis, intelligat, se iacturam infamiae sustinere, vt, damno pudoris, æstimationis dispendio, discat sibi alienæ verecundiæ impunè insidiari saltem de cætero non licere.

Nam

Nam qualiter ad Concilium veniatur, aut qualiter de suis rebus expoliati, vel eiekti à sedibus proprijs, aut qui accusatores sint recipiendi, quinè non sint, aut qualiter eiekti, & expoliati sint omnia legibus redintegrandi, quæ eis ablata sunt, & quia priusquam hoc factum fuerit, nullum crimen ei obijci poterit, & qualiter illis induciæ post integram restorationem annueriariæ, vel sex mensium indulgentiæ sint, & qualiter sua omnia licenter, & pacificè absque ullius graui impedimento disponere, & suorum amicorum, & ecclesiasticorum Patrum consilijs uti debeat, ab Apostolis, eorumque successoribus, ac nostris prædecessoribus statutum esse putamus. Super his autem non reor amplius nunc fore disputandum, nisi si surrexerint talia, quæ adhuc non sunt manifesta. Si eorum autem statuta non habueritis, mittite fidelissimos Scriptores, qui hæc coram fidelibus testibus excipere, vobisq; reportare sub stipulatione valeant. Cæterum ut satisfaciam consultis tuis de verbo incarnationis, & veritatis, quicunque illi sint ita obcæcati, & à lumine veritatis alieni, ut Verbi Dei à tempore incarnationis denegent veritatem, ostendant in quo sibi Christianum nomen usurpent, & cum Euangelio veritatis qua ratione concordent, si Beatæ Virginis partu, aut caro sine Deitate, aut Deitas est orta sine carne: sicut enim negari non potest Euangelista dicente: quod Verbum caro factum est, & habitauit in nobis, ita negari non potest beato Apostolo Paulo prædicante: Quod Deus erat in Christo mundum reconcilians sibi. Quæ autem reconciliatio posset esse, qua humano generi repropitiaretur Deus si hominis causam mediator Dei, hominumque non susciperet?

Qua

Qua verò ratione veritatem mediatoris impleteret, nisi qui in forma Dei æqualis est Patri, in forma serui participes esset & nostri, vt mortis vinculum, vnus præuocatione contractum, vnus morte, qui solus morti nihil debuit, soluerentur? effusio enim iusti sanguinis Christi, tam fuit diues ad pretium, vt si vniuersas captiuorum in redemptorem suum crederet nullum, diaboli vincula retinerent. Quoniam, sicut Apostolus ait, vbi abundauit peccatum, superabundauit & gratia, & cum sub peccati præiudicio nati, potestatem acceperint ad iustitiam renascendi, validius factum est donum libertatis, quàm debitum seruitutis. Quam itaque sibi, in huius sacramenti præsidio spem relinquunt qui in Salvatore nostro negant humani corporis veritatem? dicant quo sacrificio sint reconciliati? dicant quo sanguine sint redempti? Quis est, vt ait Apostolus, qui tradidit semetipsum pro nobis oblationem, & hostiam Deo in odorem suauitatis? Aut quod vnquam sacrificium sacratius fuit, quàm quod verus, & æternus Pontifex altari Crucis per immolationem suæ carnis imposuit? licet in conspectu Domini pretiosa iustorum mors fuit, nullius tamen insontis occisio redemptionis fuit mundi. Acceperunt iusti, non dederunt coronas. De fortitudine fidelium exempla nata sunt patientiæ, non dona iustitiæ. Singulares quippè in singulis mortes fuerunt, nec alterius quisquam debitum suo sine persoluit, cum Filius hominis vnus solus Dominus noster Iesus Christus, qui verè erat immaculatus, exierit, in quo omnes crucifixi, omnes mortui, omnes sepulti, omnes etiam sunt suscitati. De quibus ipse dicebat: Cum exaltatus fuero à terra omnia traham ad me ipsum.

Fides

Fides enim iustificans impios, & creans iustos ad humanitatis retracta participium in illo acquirit salutem, in quo solo homo se inuenit innocentem, liberum habens per gratiam Dei de eius potentia gloriari, qui contra hostem humani generis in carnis nostræ humilitate congressus his victoriam suam tribuit, in quorum corpore triumphauit.

Licet ergo in vno Domino nostro Iesu Christo, vero Dei, & hominis filio verbi, & carnis vna persona sit, quæ inseparabiliter, atque indiuisè communes habeat actiones, intelligenda tamen sunt ipsorum operum qualitates, & sinceræ fidei contemplatione cernendum est, ad quæ prouehatur humilitas carnis, & ad quæ inclinetur altitudo Deitatis; quid sit, quòd caro sine Verbo non agit, & quid sit, quòd Verbum sine carne non efficit. Sine Verbi enim potentia nec conciperet Virgo, nec pareret, & sine veritate carnis obuoluta pannis infantia non iaceret.

Sine Verbi potentia non adorarent Magi puerum. Stella indice declaratum: Sine veritate carnis non iuberetur transferri in Ægyptum puer, & ab Herodis persecutione subduci: Sine Verbi potentia non diceret vox Patris missa de cælo: Hic est Filius meus dilectus, in quo mihi complacui. Et sine veritate carnis non protellaretur Ioannes: Ecce agnus Dei, Ecce qui tollit peccata mundi. Sine Verbi potentia non fieret redintegratio debiliū, & viuificatio mortuorum, & sine veritate carnis nec cibus ieiuno, nec somnus esset necessarius fatigato. Postremò sine Verbi potentia non se Dominus Patri profiteretur æqualem, & sine veritate carnis non idem dice-

ret, patrem se esse maiorem, cum catholica fides utrūq; suscipiat, vtrumque defendat, quæ secundum confessionem B. Petri Apostoli vnum Christum Dei filium & hominem credit, & Verbum. Quamuis itaque ab illo initio, quo in utero Virginis Verbum caro factum est, nihil vnquam inter vtramque formam diuisionis extiterit, & per omnia incrementa corporea vnius personæ fuerint totius temporis actiones, ea ipsa tamen, vt ita dicam, quæ inseparabiliter facta sunt nulla permixtione confundimus, sed quid cuiusque formæ sit ex operum qualitate sentimus.

Dicant ergo isti hypocritæ, qui cæcis mētibus lumen nolunt recipere veritatis, in qua formaligno Crucis Dominus maiestatis Christus affixus sit? quid iacuerit in sepulcro, & reuoluto lapide monumenti, quæ tertia die caro resurrexit, & in qua post resurrectionem suam non credentes quosdam Discipulos suos arguebat, & hæsitacionem cunctantium confutabat, cum diceret: Palpate, & videte, quia spiritus carnem, & ossa non habet sicut me videtis habere. Et Apostolo Thomæ: Infer manum tuam in latus meum, & vide manus meas, & pedes, & noli esse incredulus, sed fidelis. Qua vtique manifestatione corporis sui iam hæreticorum mendacia destruebat, vt vniuersa Ecclesia Christi, innouanda doctrinis, hoc sibi non dubitaret credendum, quod Apostoli susceperant prædicandum. At si in tanta luce veritatis tenebras suas hæretica obduratio non relinquit, ostendant vbi spem vitæ sibi polliceantur æternæ, ad quam nisi per mediatorem Dei, & hominum hominem Iesum Christum non potest perueniri. Sicut enim ait Beatus Petrus

Apostolus: Non est aliud nomen datum hominibus sub
cælo, in quo oporteat eos saluos fieri, nec est redemptio
captiuitatis humanæ, nisi in sanguine eius, qui dedit se-
metipsum redemptionem pro omnibus; & qui, sicut
prædicat Apostolus, cum in forma Dei esset, non rapi-
nam arbitratus est, esse se æqualem Deo, sed semetipsum
exinaniuit formam serui accipiens in similitudinem ho-
minum factus, & habitu inuentus vt homo, humiliavit
semetipsum factus obediens Patri vsque ad mortem, mor-
tem autem crucis, propter quod & Deus exaltauit illum,
& donauit illi nomen, quod est super omne nomen, vt
in nomine Iesu omne genuflectatur, cælestium, terre-
strium, & infernorum, & omnis lingua confiteatur, quia
Dominus Iesus Christus in gloria est Dei Patris. Cum
ergo vnus sic Dominus Iesus Christus, & veræ Deitatis,
& veræ Humanitatis in ipso vna prorsus eademq; perso-
na sit, exaltationem tamen, qua illum, sicut Doctor gen-
tium dixit, Exaltauit Deus, & donauit illi nomen, quod
est super omne nomen, ad eam intelligimus pertinere
formam, quæ ditanda erat tantæ glorificationis augmento.
In forma quippè Dei æqualis erat filius Patri, & inter ge-
nitorem, atque vnigenitum nulla erat in essentia discre-
tio, nulla in maiestate diuersitas, nec per Incarnationis
mysterium aliquid decesserat Verbo, quod ei patris mu-
nere redderetur. Forma autem serui, per quam impas-
sibilis Deitas sacramentum magnæ pietatis impleuit hu-
mana humilitas est, quæ in gloriam Diuinæ potestatis
euecta est in tantam vnitatem ab ipso conceptu Virginis
Deitatis & Humanitatis conferta, vt nec sine homine,
Diuina; nec sine Deo agerentur humana. Propter quod,

sicut Dominus maiestatis dicitur Crucifixus, ita qui ex sempiternitate æqualis est Deo, dicitur exaltatus, quia inseparabiliter manente vnitate personæ, vnus, atque idem est, & totus hominis filius propter carnem, & totus Dei filius propter vnā cum Patre Deitatem. Quidquid ergo in tempore accepit Christus secundum hominem accepit, cui, quæ non habuit, conferrentur. Nam secundum potentiam Diuinitatis indifferenter omnia, quæ habet Pater, habet etiam filius, & quæ in forma serui à Patre accepit, eadem in forma Dei & ipse donauit. Secundum enim Dei formam ipse & Pater vnum sunt. Secundum formam autem serui non venit facere voluntatem suam, sed voluntatem eius qui misit eum. Secundum formam Dei sicut Pater habet vitam in semetipso, sic dedit, & filio vitam habere in semetipso. Secundum formam serui; tristis est anima mea vsque ad mortem. & idem ipse est, sicut Apostolus prædicat, diues, & pauper. Diues, quia Euangelista dicente; In principio erat Verbum, & Verbum erat apud Deum, & Deus erat Verbum, hoc erat in principio apud Deum, omnia per ipsum facta sunt, & sine ipso factum est nihil. Pauper verò, Quia propter nos Verbum caro factum est, & habitauit in nobis. Quæ autem est exinanitio eius, quæ uè paupertas, nisi formæ seruilis acceptio, per quam, Verbi maiestate velata, dispensatio humanæ redemptionis impleta est! Nam, quia captiuitatis nostræ resolui originalia vincula non poterant, nisi existeret homo nostri generis, nostræq; naturæ, quem peccati præiudicia non tenerent, & qui immaculato sanguine suo chirographum lethale dilueret, sicut ab

initio erat diuinitus præordinatum, ita est in plenitudine temporis perfectum; vt multis modis significata, promissio, in diu expectatum veniret effectum, nec posset esse ambiguum, quod continuis testificationibus semper fuerat nuntiatum. In magno autem sacrilegio versari hæreticorum manifestat impietas, cum sub specie Diuinitatis honorandæ, humanæ carnis in Christo denegant veritatem, & religiosè existimant credi si dicatur, in Salvatore nostro verum non esse, quod saluat; cum ita secundum promissionem omnia secula præcurrentem mundus sit Deo reconciliatus in Christo, vt nisi verbum dignaretur caro fieri, nulla posset caro saluari. Omne enim sacramentum Christianæ fidei, vt hæretici volunt, magno decoloratur obscuro, si lux veritatis sub mendacio putatur latuisse phantasmatis. Non ergò quisque sibi erubescendum existimet Christianus de nostri in Christo corporis veritate, quia omnes Apostoli; Apostolorumq; discipuli, & præclari Ecclesiarum quique Doctores, qui ad martyrij coronam, vel ad confessionis meruerunt gloriam peruenire in huius fidei lumine splenduerunt, consonis vbiq; sententijs intonantes, quod in Domino Iesu Christo Deitatis, & carnis vna sit confitenda persona. Qua autem rationis similitudine, qua diuinorum voluminum portione hæretica impietas se existimat adiuuari, quæ veritatem negat corporis Christi, cum hanc non lex testificari, non prophetæ præcinere; non Euangelia docere, non ipse destiterit Christus ostendere? Quærant per omnem seriem scripturarum, quo tenebras suas fugiant, non quo verum lumen obscurent, & per omnia secula ita veritatem inuentant coruscantem, vt

ma-

magnum hoc, & mirabile sacramentum ab initio videat creditum, quod est in fine completum. de quo cum sanctorum literarum nulla pars sileat, sufficit, quædam consona veritatis signa posuisse, quibus diligentia fidei insplendidissimam latitudinem dirigatur, & sinceræ intelligentiæ luce perspiciat, quod in filio Dei, qui se incessabiliter filium hominis, & hominem profitetur non sit Christianis erubescendū, sed constantissimè gloriādum, quoniam (sicut ait B. Apostolus) Magnum est pietatis sacramentum, quod manifestatū est in carne, iustificatum est in spiritu, apparuit Angelis, prædicatum est gentibus, creditum est mundo, assumptum est in gloria.

De Episcoporum verò, & Presbyterorum, Diaconorumq; & sequentium Clericorum Ordinationibus, Sanctos Apostolos, & successores eorum, & præcipuè Anacleū, & præterea alios sufficienter statuisse cognoscimus, & idcirco non est necesse nunc replicari, nisi quod illi nō statuerunt. Illud tamen nos statuantes vobis & omnibus seruare mandamus, vt ad Ordines Ecclesiasticos sic ascendant in Ecclesia, qui ordinari merentur. idest; si quis Episcopus esse meretur, sit primò Ostiarius, deindè Lector, postea Exorcista, indè sacretur Acolythus, demum verò Subdiaconus, deindè Diaconus, & postea Presbyter, & exindè si meretur Episcopus ordinetur.

Et regiones, sicut in hac Vrbe fecimus, per singulas Vrbes, quæ populosæ fuerunt, diuidantur.

Et quæcunque difficiles quæstiones per singulas Prouincias exortæ fuerint, sēper ad Sedem Apostolicam referātur. Benè vale frater, & ora pro nobis. Dat. Kal. Martij, Diocletiano IV. & Constātino II. viris Clariss. Consulibus.

NOTAE AD NOBILITATEM VALERIAM.



DE Domitio Probi Imperatoris fratre, eiusq; filijs Probo & Metrophane Bizantinis Episcopis subindè succedentibus, Nicephorus in Chronico Lib. 8. Cap. 6. hæc habet: Ad Domitium, inquit, Probi Imperatoris fratrem Episcopatum transmisit, atque huic Probus filius successit, & Domitius antistitis honorem viginti quatuor, Probus duodecim annis gessit. cuius Metrophanes frater successor fuit, hic annis decem cum ingenti laude Episcopale ministerium cohonestavit, sub quo etiam Constantinus semper Augustus cognominem sibi Urbem mirifice condidit. ita ille. hinc omninò corrigendus mihi videtur Flavius Vopiscus dum scribit, posteros Probi Imperatoris vel odio vel timore rem Romanam fugisse, & in Italia circa Veronam & Benacum lares posuisse, nam Domitium cum filijs quadraginta sex annorum spatio Bizantijs summis apud Christianos honoribus fungos apertè constat, à quo Domitio Hadrinum Probi Imperatoris filium Nicomediæ à Licinio martyrij corona auctum, quòd eum immanitatis in Christianos reprehendisset, Arginopoli fuisse sepultum, ex Ecclesia-

sticis

ilicis tabulis habemus perspicuum, quod porro Vopiscus rem Romanam fugisse imputat Probi posteros, inde hoc fit, quoniam Christiani indignissimæ sortis homines habebantur, ita apud Suetonium in Domitiano, Flavius Clemens eiusdem Domitiani patruelis, cum filiis in successionem Imperij adoptatis, Christianis cum iisdem detectus, incertissimæ vitæ accusatus, cum prole sublatus est: hac etiam ratione ut habemus in actis S. Susannæ, Gabinus Claudio fratri nomine Diocletiani Principis Susannam Galerio iungere satagenti; se humiles, indignos ait cognatos dici maiorum.

2. Caio Aurelio Valerio. hunc patrem fuisse Caij, patris Caij Pontificis, Valerij itidem. quo Diocletianus natus est; Marcus Marulus integritatis eximie, gravissimiq; iudicij Scriptor ex marmore, & archivijs Salonitanæ probat Ecclesiæ. cui accedit Anastasius, Luitprandus & Abbo. quare longè aberrant qui Diocletianum scribunt duos fratres habuisse, alterum eorum Maximinum dictum, ex eo quòd in actis S. Susannæ, Claudius appellat Gabinium filium Maximini famatissimi Senatoris & Exconsulis. cum vel ex eo quòd eundem Maximinum statim dicat consobrinum Augustorum, acta ibi corrupta detegantur, quid enim est consobrinus, quid frater, nulli est incompertum. adde, quod nullus Scriptorum unquam ne verbum quidem de fratribus Diocletiani fecerit. Diocletianumq; ipsum orbem filijs, minime Galerium, Constantiumq; nullo sibi sanguinis vinculo iunctos, successores in Imperio adoptaturum fuisse, numerosa prole nepotum quam ei ex duobus fratribus fingunt, extante, amor & ipsius in suos propensio, Susanna teste

suadet

suadet credere. Vndè porrò, & quis potuerit esse fictus hic Maximinus Exconsul & Senator, ingenuè me fateor ignorare, nisi fortè, Claudius Gabinium, & Caium, seq; simul, non filium, sed nepotem voluerit intelligere Maximini, quem Sextus Aurelius Victor Patrem Probi Imperatoris fuisse scribit, præsertim, cum eundem etiam Claudius patrum nominet: utcunque is error successerit stemma Valerium tale habemus.

CAIVS AVRELIVS VALERIVS

VALERIVS

CAIVS

DIOCLETIANVS CAIVS GABINVS CLAVDIVS MAXIMVS

SERENA:

PRAEPEDIONA

VALERIA ARTHEMIA SVSANNA ALEXANDER CVTHIA

Hoc stemmate nobilis Caius ad summum Reipublicæ Christianæ Principatum, virtutum gradu conscendit. Hoc Diocletianus, iam dudum ut scribit Nicephorus Callixtus Libri Quarti, Capite Trigesimo quarto, Senator, & Consulatu gesto clarus, quique plurima manu sua fecerat facinora, & bello strenuus, & consilio promptus habebatur, ab Exercitu renūciatur Imperator. hæc Nicephorus, contra eos qui nobilissimum Principem, libertini generis, & scribæ filium affirmare sunt ausi.

3 Salonis. Cum constans Scriptorum assertio Salontanum Caium cum fratribus faciat, gratis ergò Antonius Gallonius, vir aliqui sacrarum historiarum industria,

præclarus, Caium natione Dalmatâ, natiuitate Romanû fingit, in vita S. Sufannæ, quam itidem eodẽ modo inter Romanas Virgines describit.

4 Primitiæ generis Augustalis. Tryphoniâ vxorẽ Decij Principis cû Cyrilla filia, primas extitisse quæ ex laribus, & sâguine Romanorû Imperatorû, Christi fidẽ amplectatz, pro eadẽ tuenda, sanguinẽ ipsũ quoq; alacriter fuderint, extra cõtroversiâ est, cû nulla Augustalis soboles præter Quirinũ Philippi filiũ itidem Illyricũ ad Decium vsque inter Christianos, nedũ inter martyres agnoscatur, vt gens Illyrica sicuti Irenẽ Regia Thracũ stirpe Virginẽ, feminei sexus Prothomartyrẽ, cuius vitâ egregio labore illustrauit. nuper Antonius Beatus ex Soc Iesu, ita & in Imperatorio stẽmate primos martyres, vtpotè prima ex gentibus aggregata Christo, iure meritò Martyrum Regi & Principi, Christo, obtulerit.

5 Aurelianus. huius Principis integritatem moralem non solum indulta ad fauorem supremæ autoritatis Romani Pontificis, quem sub nomine Urbis. Romæ Episcoporum homo ethnicus intelligit, commendant, verũ plura alia toto Imperij sui spatio actitata. inter alia, quod vnicum sororis filium, orbus ipse filijs, quia hospitis vxori vim intulerat, publico affecit supplicio. extat mentis eius equissimæ nobilissimæ index apud Vopiscum Epistola ad Vicarium suum, antequam imperaret data, quam sicuti Cardinalis Baronius non est dedignatus Ecclesiasticis Annalibus inferere, ego inter notas Valeriæ nobilitatis, Principis Valerij nominis, forè affinitate eiusdem gentis, vti & nationis eiusdem, referre non grauior. tanquam decus Valeriæ nobilitatis eximium.

Si vis esse Tribunus, immo si vis viuere, manus militum contine. nemo pullum alienum rapiat, ouem nemo contingat, vnam nullus auferat, segetem nemo deterat, oleum, sal, lignum, nemo exigat, annona sua contentus sit, de præda hostis, non de lachrymis prouintialium habeat, arma tersa sint, ferramenta sarniata, calceamenta fortia, vestis noua vestem veterem excludat, stipendium in baltheo non in popina habeat, torquem brachialem & anulum apponat; Equum saginarium suum defricet, captum animal non vendat, mulum centuriatum committer curet, alter alteri quasi seruus obsequatur, à Medicis gratis curentur, Haruspibus nihil dent, in hospitij caste se agant, qui litem fecerit vapulet. hæc ille.

6 Cum Numerianus Princeps patri Caro per similis in omnibus paucorum dierum spatio Romano præfuerit Imperio, & nihilominus plurimi martyres sub illo passi legantur omnibus fermè anni mensibus, facilè quicumque triennio quo bellum inter eius fratrem & Diocletianum ab eius obitu arsit, pro Christo decertarunt, illius Imperio adscribuntur, ex eo quòd ille Antiochia Babilam Episcopum martyrio affecisset.

7 Murgum. alij Murrium, quidam Margum, & Murforum Ciuitatem appellant. præfuit ei sub Constantio Constantini filio Valens Episcopus Arrianorum antesignanus. progressu temporis in speciem vici, Mohacz incolis appellatū est, inter Drauū in Danubium influentem, ipsumq; Danubij alueum situm, capo cladibus humani generis satis funestum, hic enim post Carinum, à Constantino Licinius, à Constantio Magnentius, à Theodosio Eugenius ingenti clade Tyranni sunt profligati; & auo.

rum memoria infelici casu Ludouicus Rex Vngariæ cæsus.

8 Felicem faciliè credidissem eum, qui tunc temporis Salonitanæ Ecclesiæ præerat, postmodum à Galerio Maximiano martyrio coronatum, nisi eodem tempore haberemus Felicem in Africa Episcopum Tubrocentem, seu Thibariensem, quem Baronius emendatius Tibirentem legendum putat, nono Kalendis Nouembris martyrem, Diocletiano decies & Maximiano Consulibus. qua in Prouincia tanquam monstris hæreseos fecundissima, credibile est impia illa contra Christi Humanitatem opinione exoriente, Caium ad Felicem scripsisse, potius quàm ad Felicem in Dalmatia; quæ regio (vt ex Epistolis Roman. Pont. est colligere) singulari diuinæ benignitatis auxilio, ab ipso Christianæ fidei exordio, ad præsentem vsque diem, nulla hæretica suspicione laborauit. quod etiam ex ipsius Epistolæ verbis potest colligi, quibus mentio fit extremarum mundi partium, quæ benè per Africam extremam Romani Imperij marginem possunt accipi.

9 Claudium cum Maximo, fratrem fuisse Caij, & Gabini non vno, sed pluribus locis in ipsis actis S. Susannæ tam apud Surium, quàm Mombrinium est videre. quod Beda in Martyrologio clarissimis verbis expressit dum ait: Eadem die duodecimo, nempe Kal. Martij, Sanctorum Martyrum Claudij, & vxoris eius Præpedignæ, & filiorum Alexandri, & Cuthiæ, & fratris Claudij beati Maximi, qui cum essent præclarissimi generis, agente fratre eorum Gabinio Presbytero, baptizati sunt à B. Gaio Pontifice.

10 Illyricos. præter ea quæ in nostro de Cæsaribus Il-

lyricis

lyricis Dialogo olim notauimus, Sextus Aurelius Victor dum de adoptatis per Diocletianum & Maximianum. Galerio, & Constantio meminit, His, ait, omnibus sanè Illyricum patria fuit. qui memores beneficij à Valerio sanguine accepti, Valerij quoque cognominari voluerunt, cum posteris; quare Constantij filius Constantinus, cognomen hoc suis addidit nominibus. cum Aurelio. hinc Baronius huiuscemodo Epygramma ex ædibus Cæsij Annalibus inseruit.

MAGNO ET INVICTO
 IMP. CÆS. C. VAL. AVREL.
 CONSTANTINO. PIO. FEL.
 INVICTO AVG. PONTIF. MAX.
 TRIB. POTES. CONS. III. PP.
 PROC. D. N. CORPVS CORIARORVM
 DEVOTI NVMINI MAIESTATI Q;
 EIVS.

11 Ex collatione actorum dictorum Sanctorum martyrum Viti, & Modesti, & temporis quo Diocletianus Imperium deposuit prudens Lector facillè poterit ferre sententiam de ijs, quæ in hanc rem breuiter attigimus.

12 Hac occasione operæ præcij ostēdisse ducimus, Romanos Principes Romanarū legū statutis, & maiorū exēplo, Christianæ pietati insultasse. & quoad exēplum, ut ab eo incipiamus, constat ab ipso exordio propalatæ reli-

gionis

gionis nostræ, Romanos Principes Christiani fuisse infestos. ita ex Suetonio colligit Baronius, quinquagesimo primo anno primi sæculi Christiani, nomine Iudeorum pulsos fuisse Roma Christianos, à Claudio Principe. hunc qui secutus est Domitius Nero, adeò in Christianos exarsit, ut etiam apud Ethnicos authores, Tacitum videlicet & Suetonium, nimia & iniuriosa in Christianos inhumanitas eius appareat. post Neronem adeò nullus à Christianis insectandis destitit, ut quem omnium Principum optimum Romani censuere, Traianus, licet per Plinium edoctus, quanta iniuria Christianos innocentissimæ vitæ homines, ad mortem usque vexaret, toto tamen tempore sui Imperij acerbissimus in eos extiterit. ut mirum non sit, si cuius virtutes solemnibus acclamationibus, ac publicis votis in auguratione sequentium Principum, Romanus imprecabatur populus, eiusdem quoque solertiam in persequendis Christianis, ipsi Principes imitarentur. vnde etiam ipse. M. Aurelius Antoninus, Philosophiæ nomine, & singulari modestia celebratus, post Apologias pro Christiana religione acceptas, post victorias maximi momenti Christianorum precibus obtentas, post leges pro ipsis latis, morti proximus illos vexare non omisit; ut patet ex Annalibus Ecclesiasticis. Quoad autem leges maiorum, adest Cicero Libro Secundo de Legibus, apud quem extat sanctio duodecim tabulis constituta: Separatim nemo habessit Deos, neue novos, sed ne aduenas nisi publicè adscitos, priuatim colunto. Huius legis tenacissimus Mæcenas (ut author est Dio. Lib. 52.) non tantum Deos peregrinos in Urbem, verum etiam externos homines alienæ religionis cultores,

res, ad Romanorum Deorum cultum, diris etiam supplicij adigendos, Augusto persuasit; eam potissimum rationem prætexens, ut securitati Reipublicæ consultum esset. unde nec ipsis Imperatoribus liberum erat absque Senatus consulto, Deos in Urbem adfiscere alienos, ut de Tiberio testatur Tertullianus in Apologia. quibus legibus atque consuetudinibus, cum alias atque alias complures Principes addidissent sanctiones, exemplo suo roboratas; citra penam sacrilegij in Christianos non sœuire, non poterant Imperatores. Causa qua Christiani omni insectatione digni censebantur Romanis, ea erat, quod omnium scelerum rei, tam in Deos, quam in homines habebantur. Hinc Athenagoras Atheniensis Philosophus, Apologia pro Christianis Imperatoribus. M. Aurelio Antonio, & Aurelio Commodio oblata; Trium, inquit, flagitiorum infamis rumor de nobis spargitur, Impietas quæ Deos tollat, Epulæ Thiestheæ, Corcubitus incesti. ita ille. Minutius verò Felix in Octavio, nomine Cæcilij Ethnici Christianam religionem, sed iniuste carpentis hæc ait: Cum Abderitem Protagoram Athenienses viri, consultè potiùs quam profanè disputantem, & expulerint suis finibus, & in concione scripta eius deriserint; quid homines (sustinebitis enim me impetum susceptæ actionis liberiùs exerentem). homines inquam deploratæ, illicitæq; ac desperatæ factionis, grassari in Deos, non ingemiscendum est, qui de vltima fœce collectis imperitiis, & mulieribus credulis, sexus sui facilitate labentibus, plebè profanæ coniurationis instituunt, quæ nocturnis congregationibus, & ieiunijs solemnibus, & inhumanis cibis, non sacro quodam, sed piaculo fêde-

rantur;

rantur; latebrosa & lucifugax natio, in publico muta, in angulis garrula, Tempia vt busta despiciunt, Deos despuunt, rident sacra, misferentur miseri, si fas est, Sacerdotum honores & purpuras despiciūt ipsi seminudi. proh mira stultitia, & incredibilis audacia, spernunt tormenta præsentia, dum incerta metuunt, & futura; & dum mori post mortem timent; ita illis pauor & fallax spes solatio rediuiuo blanditur. ac iam vt tēcundius nequiora proueniunt, serpentibus in dies perditis moribus per vniuersum Orbem, sacraria ista teterrima impiæ coitionis adulescunt. eruenda prorsus hæc & execranda consensio. occultis se notis, & insignibus noscunt, & amant mutuo penē antequam nouerint, passim etiam inter eos velut quædam libidinum religio miscetur; ac se promisceuē appellant fratres & sorores. vt etiam non insolens stuprum intercessionē sacri nominis fiat incertum. ita eorum vana & demens superstitio sceleribus gloriatur. nec de ipsis nisi subsisteret veritas, maxima & varia, & honore præfanda, sagax fama loqueretur. audio eos turpissimē pecudis caput Asini consecratum, inepta nescio qua persuasionē venerari. digna & nata religio talibus moribus. alij eos ferunt ipsius Antistitis & Sacerdotis colere genitalia, & quasi parentis sui adorare naturam. nescio an fallā, certē occultis nocturnis sacris apposita suspicio; & hominem summo supplicio pro facinore punitum, & Crucis ligna feralia, eorum cęremonias fabulatur, congruentia perditis sceleratisq; tribuit altaria; vt id colant quod merentur. iam de initiatis tyrunculis, fabula tam detestanda, quā nora est: infans farre coniectus, vt decipiat incautos, apponitur ei qui sacris imbutur; is infans

à tyrunculo farris superficie, quasi ad innoxios ictus prouocato, cæcis occultisq; vulneribus occiditur. huius profanes sitienter sanguinẽ lambunt. huius certatim membra disperiunt; hac fœderantur hostia; hac conscientia sceleris ad silentium mutuũ pignerantur, hæc sacra sacrilegijs omnibus deteriora. & de conuiuio notum est, passim omnes loquuntur; id etiam Cirtensis nostri testatur oratio. ad epulas solempni die coeunt; cum omnibus liberis; sororibus, matribus, sexus omnis homines, & omnis homines, & omnis ætatis; illic post multas epulas, ubi conuiuium caluit, & incestæ libidinis ebrietas feruor exarsit, Canis qui candelabro nexus est, iactu affulsæ, ultra spatium lineæ qua victus est, ad impetum, & saltum prouocatur; sic euerso & extincto conscio lumine, impudentibus tenebris, nexus infandæ cupiditas inuoluunt per incertum sortis; etsi non omnes opera; conscientia tamen pariter incesti; quoniam voto vniuersorũ appetitur, quicquid accidere potest in actu singulorum. hæc & alia plura Minutius. adde quod calamitates omnes solitas Romanis contingere, Christianorum flagitijs prouocari credebant. ita Arnobius initio suæ disputationis: Quoniam, inquit, comperi nonnullos qui se plurimum sapere suis persuasionibus credunt, & insanire, bacari, & velut quiddam promptum ex oraculo dicere: postquam esse in mundo Christiana gens cepit, terrarum Orbem perijisse, multiformibus malis affectum esse genus humanum; ipsos etiam cæcites derelictis curis solempnibus quibus quondam solebant inuisere res nostras, terrarum ab regionibus exterminatos. hæc ille: Tertullianus item in Apologia Cap. 2. Christianum, inquit, hominem, om-

nium scelerum reum, Deorum, Imperatorum, legum, morum, naturæ totius inimicum existimas. ob idq; tradit habitos eos hostes publicos. Quos, inquit, existiment omnis publicè cladis, omnis popularis incommodi esse causam; si Tiberis ascendit, si Nilus non ascendit in arua, si cælum stetit, si terra mouit, si famies, si diues, statim Christianos ad Leonem. ita ille. huc accedebat, quòd quicquid magicis sceleribus Cædæus, superstitionis adiuuentis Ægyptius, flagitiosis impostoris Iudæus, impietate morum Hæretici per ea tempora, monstruosissimas fecunditate emergentes, effinxissent, somniascent, ausi essent, perpetrassent, id totum nulla distinctione habita, Christianis imputabatur. cuius rei indicium, quæ ratione nimirum Romani eiusmodi hominum fecerim nomine Christianorum comprehenderent, habentus Epistolam Hadriani Augusti, Principis aliqui accuratissimi, & vel minutissimarum rerum obseruantissimi indagatoris, quippè qui curiositatis gratia Romanum Orbem peragravit, in Christianis tamen rebus dignoscendis communi ethnicorum more cecutientis. ea est apud Vopiscum in Saturnino.

HADRIANVS AVG. SERVIANO CVSS. SALVTEM.

Agyptum quam mihi laudabas Seruiane carissime, totam didici leuem, pendulam, & ad omnia famę momenta volitantem. illi qui Serapim colunt Christiani sunt, & deuoti sunt Serapi, qui se Christi Episcopos dicunt. nemo illic Archisynagogus Iudæorum, nemo Samarites, nemo Christianorum Presbyter, non Mathe-

mas Spalatenſis antè 400. annos Archidiaconus, ad munitiona loca mari proximiora, lares retulerunt. Sæueroq; Episcopo authore, Palatium Diocletiani quadratis marmoribus structum, altissimisq; turribus ex eodem candido marmore circumdatum, barbaris Salonas euerſas terrore magis quam incolatu tenentibus, Urbis loco conluerunt. cuius ambitum cum progrèſſu temporis angustius Ciuibus ſeruandis animaduertiſſent, parte Palatij Occidentalis demollita, noua mœnia antiquis addiderunt. exiant ad hodiernam diem tres partes murorum Palatij, mira maiestate insigniq; artificio, ſicuti & templum integrũ à Diocletiano loui, iam verò, Deo viuò, cuiusq; Martyri Dompio Salonitanis olim ab Apoſtolorum Principe, antistiti aſſignati, cum metropoliticiſ honoribus dicato, cum plurimis alijs Diocletianæ magnificentię argumentis, omninò viſendæ. quæ quodiam Anthonius Proculianus vir inter noſtrates eximij ingenij, Oratione ad Spalatenſes habita, exacta diligentia deſcripta publicauit, omniſſito. incoluit poſt Diocletianum idem Palatium, ex Romanis Principibus poſtcentum, & ultra annos, Romano ſaſſigio deturbatus ab Oreſte Patritio, Auguſtulum filium, ſateli interitu Auguſtorum ſubſtituente, Iulius Nepos, vbi & ad vltimum vitæ ſpatium, propè Glicerium, quem idem ex Imperatore Romano ad Episcopatum Salonitanum, poſt Principatum nec annum, compulexat, mirorũ rerum humanarum inſtabilitatis, & charitatis Chriſtianæ ab eodem Glicerio Episcopo, erga ſuum olim deturbatoſera humaniſimæ exhibita exemplo. Huius Urbis Palatio Diocletiano ſuccedentis, cum antè quinquaginta annos. vna ex Turri-

bus austrum spectantibus, repentino casu, reliquis inter-
 gris contriisset, intra latissimi muri hiarum introductum est
 sarcophagum porphyriticum antiquæ artis, hitoris Diocle-
 tiani nomen unicum, & primentibus insculptum, &
 quatuor in angulis, lucernis testaceis elegantissime fictis
 extantibus. in medio sarcophago urna parij marmoris
 cineres continebat, basis eius circûlubatur liquore quo-
 dam fragrantie incredibilis, exigue admodum quantita-
 tis, iamq; spissa densitate coagulato, ut magis vnguentum
 quam liquorem præferret. cui supernatabat frustulum
 orbiculare cranij humani, in speciem numismatis am-
 plioris efformatum, altera parte effigiem hominis, ad
 medium pectus loricati, cum ingenti calside militari in
 capite, promissa barba, raro sane & insolito æquæ ac ele-
 gantissimo supra quam credi possit opere, celatam exhi-
 bens. quam cum numismatibus Diocletiani collatam,
 omnino Principis ipsiusmet imaginem, in eiusdē capitis
 fortè cranio sculptam creditum est, fixatissimā barbā Ro-
 manæ more restringant, quam Diocletianum post de-
 positum Imperium, privatam vitam inter suos familiares
 agentem patris more promissam gestare voluisse, conie-
 ctatur. cum v. antiquitatis p̄m̄am N. S. D. N. Vrbano VIII.
 antiquarum virtutum obseruantissimo, & pueri obuli-
 tibi verò benedole Lector, illius exemplar, Valeria nobi-
 litatis breuiter explicata, corundem Lector benignissime
 parietis in illa cognoscenda m̄nuseculi spectanda propono.
 Adde & Diocletiani faciem, quales fuit ante privatam vi-
 tam, dum nimirum Imperator, Romano more barbati
 compescuit, ex multis numismatibus, eiusdem Principis,
 apud me ex diuersis terrarum partibus reductis, & ami-

corum gratia hac in parte in me propensissimis præfer-
tim. verò D. Ludouico Companio Cius Romano, &
D. Claudio Burgundo de antiquitate optimè meritis
vt ex collatione vtriusque Diocletianum cranium, &
imaginem agnoscas.



Omittere denique nullatenus debeo, quæ Petrus Damia-
nus Romanæ sacræ purpuræ perennæ decus, & post sum-
mas in Ecclesiâ dignitates Pijæque, & successus amator
honesti, de eodem Principe in Epistola ad Cadalobum
scribio Antipapam inter alia. Plane, inquit, Diocletianus
Imperator Regalis fastigij insignis deposuit, & non pro-
cul à Salonis per nouem ferrè annos ad obitum priuatus,
in amena virèntis hortuli cultura pertransiit, qui cum ab
Herculeo atque Galerio ad recipiendum obnixè rogare-
tur Imperium, tanquam pestem aliquam perhorreiscens,
hoc fertur dedisse responsum. Vnam Salonæ possedis
cetera visere nostris manibus insignita, profectò nunquam
iudicaberis hanc sarcinam nostris iterum cervicibus im-
ponendam. hæc ille.

14 Sirenum authorem monasticæ vitæ satis constat, ex eo quòd tabulæ Ecclesiasticæ ad 23. diem Februarij eundem Monachum appellant sub Maximiano Galerio martyrem. quo tempore certum est disciplinam Monasticam in Orbe Christiano fuisse incognitâ vnico Paulo Eremita solitudinem Ægypti incolente, Antonius enim magnus Monasticæ vitæ institutor, sub Constantino, qui post Galerium imperauit, floruit. porro ex Sireni schola Monachorum examina repleuisse Illyricas regiones, præter Scriptores vitæ S. Martini, qui eum in patria Monasticâ vitam duxisse, antequâ pater Monasteriorû fieret in Gallia affirmat. D. Hieronymus testis locupletissimus est; is enim in Epitaphio Nepotiani, ad Heliodorum eius patrum, scribit, Eundem aruisse de Siderio pergredi ad Monasteria Ægypti, Mesopotamiam, Insularum Dalmatiæ. idem ad Iulium cõciuem suum scribens, laudat illum, quod Monasteria extrueret, & multus ab eo per Insulas Dalmatiæ Sanctorum numerus sustentaretur. Et tunc iure suo Illyrici eiuscemodi pietatis disciplinam sūt professi antè alios, vt ij qui primi ex gentibus authore Paulo Apostolo gremio Catholice Ecclesiæ sunt aggregati, vt patet Actorum Apostolicorum Cap. 16. vidè S. D. N. Urbanus, Papa Octauus, in Bulla foundationis Collegij Illyrici Lauretani, optimo iure nationem Illyricam, Primogenitam in gremio Catholice Ecclesiæ appellat.

F I N I S.

ERRATA.

Paga	Verb.	Errata	Correctio.
7	vlt	artipente	lege arripiente
10	27	destitutis	destituitis
16	18	Christiana	Christiane
27	23	ductaq;	ducta
33	23	Archiuo	Archivio
47	4	lucet	lucet
48	11	Principi	Principis
ibid.	20	nuntius	nunciū
49	12	priuata vitam	priuatam vitam
50	15	libere	bibere
ibid.	15	hæ	hæc
55	23	Euangelisla	Euangelista
56	3	Gabininus	Gabinus